



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

C40-4514

了翁之處讀之於友人
家言置之武昌此山
我微笑塔院原府中水
為學者不敢許出院內
當山二世鐵牛機謹誌



B 64853

妙法蓮華經玄義節要卷上

天台智者大師說 章安尊者灌頂記

萬益比丘智旭節

所言妙者妙名不可思議也所言法者十界十如權實之法也蓮華者譬權實法也良以妙法難解假喻易彰况意乃多略擬前後合成六也一爲蓮故華譬爲實施權文云知第一寂滅以方便力故雖示種種道其實爲佛乘二華敷譬開權蓮現譬顯實文云開方便門示真實相三華落譬廢權蓮成譬立實文云開

正直捨方便。但說無上道。又蓮華於本。華譬於迹。從本垂迹。迹依於本。文云。我實成佛來。久遠若斯。但教化衆生。作如是說。我少出家。得三菩提。二華敷譬開迹。蓮現譬顯本。文云。一切世間。皆謂今始得道。我成佛來。無量無邊那由他劫。三華落譬廢迹。蓮成譬立本。文云。諸佛如來法皆如是。爲度衆生。皆實不虛。是以先標妙法。次喻蓮華。蕩化城之執教。廢草菴之滯情。開方便之權門。示真實之妙理。會衆善之小行。歸廣大之一乘。上中下根。皆與記別。又發衆聖之權巧。

顯本地之幽微。故增道損生位。鄰大覺。一期化導。事理俱圓。蓮華之譬意在斯矣。經者。外國稱修多羅。聖教之都名。有翻無翻。事如後釋。記者釋曰。此敘經玄意。玄意述於文心。文心莫過本迹。仰觀斯旨。衆義冷然。妙法蓮華。卽敘名也。示真實之妙理。敘體也。歸廣大之一乘。敘宗也。蕩化城之執教。敘用也。一期化圓敘教也。六譬敘本迹也。文略義周矣。

釋名第一。辨體第二。明宗第三。論用第四。判教第五。釋此五章。有通有別。通則七番共解。別則五重各說。

就通則七番共解。一標章。二引證。三生起。四開合。五
料簡。六觀心。七會異。標章令易憶持。起念心故。引證
據佛語。起信心故。生起使不雜亂。起定心故。開合料
簡會異等。起慧心故。觀心即聞即行。起精進心故。五
心立成五根。排五障成五力。乃至入三脫門。略說七
重共意如此。廣解五章者。一一廣起五心五根令開
示悟入佛之知見耳。

初標五章。標名者。原聖建名。蓋爲開演以進始。咸令
親聽俱得見聞。尋途趣遠而至於極。故以名名法施

設衆生。但法有麤妙。若隔歷三諦。麤法也。圓融三諦
妙法也。此妙諦本有。文云。是法住法位。世間相當住。
唯我知是相。十方佛亦然。尚非不退菩薩入證二乘
所知。况復人天羣萌之類。佛雖知是。不務速說。文云。
我若讚佛乘。衆生沒在苦。謗法不信。故墮於三惡道。
所以初教建立融不融。小根併不聞。次教建立不融。
大根都不用。次教俱建立以融斥不融。令小根恥不
融慕於融。次教俱建立令小根寄融向不融。令大根
從不融向於融。雖種種建立。施設衆生。但隨他意語。

非佛本懷。故言不務速說也。今經正直捨不融。但說於融。令一座席同一道味。乃暢如來出世本懷。故建立此經。名之爲妙。當知華嚴兼三藏。但方等對般若帶。此經無復兼但對帶。專是正直無上之道。故稱爲妙法也。蓮華例有麤華。云何麤。狂華無果。或一華多果。或多華一果。或一華一果。或前果後華。或前華後果。初喻外道空修梵行。無所究竟。次喻凡夫供養父母。報在梵天。次喻聲聞種種苦行。止得涅槃。次喻緣覺。一遠離行。亦得涅槃。次喻須陀洹却後修道。次喻

菩薩先藉緣修生後真修。皆是麤華。不以爲喻。蓮華多奇。爲蓮故華。華實具足。可喻卽實而權。又華開蓮現。可喻卽權而實。又華落蓮成蓮。成亦落。可喻非權非實。如是等種種義便。故以蓮華喻於妙法也。體者訓禮。禮法也。各親其親。各子其子。君臣樽節。若無禮者。則非法也。出世法體亦復如是。善惡凡聖佛菩薩。一切不出法性。正指實相以爲正體也。故壽量云。不如三界見於三界。非如非異。若三界人見三界爲異。三乘人見三界爲如。菩薩人見三界亦如亦異。佛見

三界非如非異。雙照如異。今取佛所知見爲實相正體也。宗者要也。所謂佛自行因果以爲宗也。云何爲要。無量衆善。言因則攝。無量證得言果則攝。如提綱維無目而不動。牽衣一角無縷而不來。故言宗要。然諸因果善須明識。尚不取別教因果。況餘因果。餘因果者。昔三因大異而三果小同。又三因大同而三果小異。又一因迥出。一果不融。因不攝善。果不收德。則非佛自行之因。非佛道場證得之果。又諸經明佛往昔所行因果悉皆被拂。咸是方便非今經之宗要。取

意爲言。因窮久遠之實修。果窮久遠之實證。如此之因。豎高七種方便。橫包十法界法。初修此實相之行。名爲佛因。道場所得名爲佛果。但可以智知不可以言具。略舉如此因果以爲宗要耳。用者力用也。三種權實二智。皆是功用於功用中更分別。自行二智。照理周。名爲力。二種化他二智。鑒機機徧。名爲用。祇自行二智。即是化他二智。化他二智。即是自行二智。照理卽鑒機。鑒機卽照理。如薩婆悉達。彌祖王。弓滿。名爲力。中七鐵鼓貫一鐵圍山。洞地澈水輪。名爲用。

諸方便教。力用微弱。如凡人弓箭。何者。昔緣稟化他二智。照理不偏。生信不淺。除疑不盡。今緣稟自行。二智極佛境界。起法界信。增圓妙道。斷根本惑。損變易生。非但生身及生身得忍。兩種菩薩俱益。法身法身後心。兩種菩薩亦俱益。化功廣大。利潤弘深。蓋茲經之力用也。教相爲三。一。根性融不融相。二。化道始終不始終相。三。師弟遠近不遠近相。教者聖人被下之言也。相者分別同異也。云何分別。如日初出。前照高山。厚植善根。感斯頓說。頓說本不爲小。小雖在座。如

譬如癌。良由小不堪大。亦是大隔於小。此如華嚴。約法被緣。緣得大益。名頓教相。約說次第。名從牛出乳味相。次照幽谷。淺行偏明。當分漸解。此如三藏。三藏本不爲大。大雖在座。多諸婆和。小所不識。此乃小隔於大大隱。於小約法被緣。名漸教相。約說次第。名酪味相。次照平地。影臨萬水。逐器方圓。隨波動靜。示一佛土。令淨穢不同示現。一身巨細各異。一音說法。隨類各解。恐畏歡喜厭離。斷疑神力不共。故見有淨穢。聞有褒貶。嗅有薺菊。不薺菊。有著身。不著身。慧有

若干不若干。此如淨名方等。約法被緣猶是漸教。約說次第。生酥味相。復有義。大人蒙其光用。嬰兒喪其晴明。夜遊者伏匿。作務者興成。故文云。但爲菩薩說其實事。而不爲我說斯真要。雖三人俱學。二乘取證具如大品。若約法被緣。猶是漸教。約說次第。名熟酥味相。復有義。日光普照。高下悉均平。土圭測影。不縮不盈。若低頭。若小音。若散亂。若微善。皆成佛道。不令人獨得滅度。皆以如來滅度而滅度之。具如今經。若約法被緣。名漸圓教。若說次第。醍醐味相。問既以

五味分別。那同稱漸答。約漸得明五味耳。又若小不聞。大大一向是頓。若大不用小。小一向是漸。若以大破小。是漸頓並陳。若帶小明大。是頓漸相資。若會小歸大。是頓漸泯合。此但約顯露明漸頓五味之相。若論不定義。則不然。雖高山頓說。不動寂場。而遊鹿苑。雖說四諦生滅。而不妨不生不滅。雖爲菩薩說佛境界。而有二乘智斷。雖五人證果。不妨八萬諸天獲無生忍。當知卽頓而漸。卽漸而頓。一時一說一念之中。備有不定。不同舊義專判一部。味味中悉如此。此乃

顯露不定。秘密不定。其義不然。如來於法得最自在。若智若機。若時若處。三密四門。無妨無礙。此座說頓。十方說漸。說不定。頓座不聞。十方。十方不聞。頓座。或十方說頓。說不定。此座說漸。各各不相知聞。於是顯於彼是密。或爲一人說頓。爲多人說漸。說不定。或爲一人說漸。爲多人說頓。各各不相知。互爲顯密。或一座默。十方說。十方默。一座說。或俱默。俱說。各各不相知。互爲顯密。雖復如此。未盡如來於法自在之力。但可智知。不可言辯。雖復甚多。亦不出頓漸不定秘密。

今法華是顯露非秘密。是漸頓非漸漸。是合非不合。是醍醐非四味。是定非不定。如此分別。此經與衆經相異也。又異者。餘教當機益物。不說如來施化之意。此經明佛設化元始。巧爲衆生作頓漸不定顯密種子。中間以頓漸五味調伏。長養而成熟之。又以頓漸五味而度脫之。並脫並熟。並種番番不息。大勢威猛。三世益物。具如信解品中說。與餘經異也。又衆經咸云道樹。師實智始滿。起道樹始施權智。今經明師之權實在道樹前。久久已滿。諸經明二乘弟子不得

入實智。亦不能施權智。今經明弟子入實甚久。亦先解行權。又衆經尚不論道樹之前師之與弟近。近權實況復遠遠。今經明道樹之前權實長遠。補處數世界不知。况其塵數。經云。昔所未曾說。今皆當得聞。殷勤稱歎。良有以也。當知此經異諸教也。二引證者。如文殊答問偈云。我見燈明佛本光瑞如此。以是知今佛欲說法華經。何但二萬億大通智勝及五佛章中三世佛說皆名法華也。文云。今佛放光明。助發實相義。又云。諸法實相義已爲汝等說。又云。無量衆所

尊爲說實相印。此亦今古同以實相爲體也。文云。佛當雨法雨。充足求道者。即是會三歸一之法雨。令求佛道因者充足。乃至一切皆會令充足。若開近顯遠之法雨。令求佛道果者充足。文云。諸求三乘人。若有疑悔者。佛當爲除斷。令盡無有餘。又云。諸佛法久後要富說真實。即是斷三乘五乘七方便九法界等疑。皆令生信。此證經用也。又如來神力品云。以要言之。如來一切所有之法。如來一切自在神力。如來一切祕要之藏。如來一切甚深之事。皆於此經宣示顯說。

一切法者權實。一切法皆攝也。此證經名。一切自在神力者。內用名自在。外用名神力。卽證用也。一切秘要之藏者。非器莫授爲秘。正體爲要。多所含容而無積聚。名藏此證體也。一切甚深之事。實相名甚深。爲實相修因。名深因究。竟實相名深果。此證宗也。又爲大事因緣故。證名佛之知見。證體開示悟入證宗爲令衆生證用。此異餘經證教也。三生起者能生爲生。所生爲起。前後有次第。麤細不相違。肇公云。名無召物之功。物無應名之實。無名無物。名物安在。蓋第

一義中無相意耳。世諦爲言。無名無以顯法。故初釋名。名於法。法卽是體。尋名識體。體非宗不會。會體自行已圓。從體起用。導利合識。利益旣多。須分別教相也。四開合者。五章釋一經。種種分別。令易解。故凡三種開合。謂五種。十種。譬喻。五種者。釋名通論事理。顯體專論理。宗用但論事。教相分別事理。釋名通說教行。顯體非教。非行。宗用但行。教相但教。釋名通說因果。顯體非因。非果。宗自因果。用教他因果。教相分別上法耳。釋名通論自行化他。體非自。非他。宗是

自行用是化他。教相分別。自他釋名通論說默體。非說非默宗默用說教相分別十種者。釋名總論三軌體宗用開對三道。教相分別三軌。釋名總論三道。體宗用開對三道。教相分別三道乃至第十釋名總論三德。體宗用開對三德。教相分別三德譬喻者。譬如總名人身。開身則有識命煥。分別諸身貴賤賢愚種種差降。人身譬名。識以譬體。命以譬宗。煥以譬用。分別譬教相。五料簡者。若爲蓮故華。華果必俱。將不墮因中有果耶。答。因中有果。舊醫邪法已爲初教所。

破尚非麤權實義。况是妙因妙果新醫真乳法耶。問華以喻權。權是小乘之法。則不應破於草菴。草菴既破何得以華喻權。答。小乘是化他之權。是故須破。今明自行之權。故以華喻耳。問。文內從火宅至醫子。凡七譬悉不明蓮華。何以取此爲題。答。七譬是別蓮華是總舉。總攝別故冠篇首也。問。一切法皆佛法。何意簡權取實爲體。答。若開權顯實諸法皆體。若廢權顯實。如前所用。問。何故雙用。因果爲宗。答。由因致果。爲因所辦。若從能辦。以因爲宗。若從所辦。以果爲宗。

二義本是相成。不得單取。又迹本二文。俱說因果。故後文云。般若因正果傍無量義用。因爲宗。淨名用國因果。華嚴因果合爲宗。諸經對緣不同。故明宗互異。問。論宗簡化他因果。明用俱取自他權實。答。宗論自行故須簡他用。是益他是故雙取。又問。用是益他亦不須自行權實。答。欲以自利利他故。並宗亦應然。欲自行化他因果。是故應取他也。答。化他因果不能致佛菩提。是故不取。並用他權實亦不能令他至極。亦不應取。答。他宜須此利。是故取也。問。宗用俱明智斷。云何分別。答。自行以智德爲宗。斷德爲用。若化他。

自行智斷俱爲宗。化他智斷俱爲用。問。何故五章不四不六答。設作四六亦復生疑。墮無窮問。非也。問。經各有異意。那得五義共釋。衆經答。若經經別釋。但得別不得同。今共論五意。得同不失別。六明觀心者。從標章至料簡。悉明觀心。心如幻燄。但有名字。名之爲心。適言其有。不見色質。適言其無。復起慮想。不可以有無思度。故名心爲妙。妙心可軌。稱之爲法。心法非因。非果能如理觀。卽辦因果。是名蓮華。由一心成觀。亦轉教餘心名之爲經。釋名竟。心本無名。亦無

無名。心名不生亦復不滅。心卽實相。初觀爲因。觀成爲果。以觀心故。惡覺不起。心數塵勞若同若異。皆被化而轉。是爲觀心標五章竟。觀心引證者。釋論云。一陰名色。四陰名名。心但是名也。大經云。能觀心性。名爲上定。上定者第一義定。證心是體。大經云。夫有心者。皆當得三菩提。心是宗也。遺教云。制心一處。無事不辦。心是用也。釋論云。三界無別法。惟是一心作。心能地獄。心能天堂。心能凡夫。心能賢聖。覺觀心是語本。以心分別於心。證心是教相也。觀心生起者。以心。

觀心。由能觀心。有所觀境。以觀契境。故從心得解脫。故若一心得解脫。能令一切數皆得解脫。故分別心王。心數同起偏起等。卽是教相故。觀心開合者。心是諸法之本。心卽總也。別說有三種心。煩惱心是三支。苦果心是七支。業心是二支。苦心卽法身。是心體。煩惱心卽般若。是心宗。業心卽解脫。是心用。卽開心爲三也。分別十二因緣。心生卽有六道差降。分別心滅。卽有四聖高下。是爲教相兼於開合也。觀心料簡者。問。事解已足。何煩觀心。答。大論云。佛爲信行人。以樹

爲喻爲法行人。以身爲喻。今亦如是。爲文字人。約事解釋爲坐禪人。作觀心解。又論作四句評。有慧無多聞。是不知實相。譬如大闇中。有目無所見。多聞無智慧。亦不知實相。譬如大明中。有燈而無照。多聞利智慧。是所說應受。無聞無智慧。是名人身牛。今使聞慧兼修義觀。雙舉華嚴云。譬如貧窮人。日夜數他寶。自無半錢分。偏聞之失也。下文云。未得謂得。未證謂證。偏觀之失也。何者。視聽馳散。如風中燈。照物不了。但貴耳入口出。都不治心。自是陵人。增見增非。把刃自

傷解。牽惡道。由其不習觀也。若觀心人。謂卽心而已。則均佛。都不尋經論。墮增上慢。此則抱炬自燒。行牽惡道。由不習聞也。若欲免貧窮。當勤三觀。欲免上慢。當聞六卽。世間相常理。卽也。於諸過去佛。若有聞一句名字卽也。深信隨喜觀行卽也。六根清淨。相似卽也。安住實智中。分證卽也。唯佛與佛。究盡實相。究竟卽也。修心內觀。則有法財。正信外聞。無復上慢眼慧明聞。具足利益。何得不觀解耶。七會異者。佛有所說。依四悉檀。世界悉檀。對釋名。名該一部。世界亦

冠於三。第一義對體最分明。爲人對宗。宗論因果爲人生善義同。對治對用。用破疑滯與治病事齊。分別悉檀對教相。教相如後說。問何不次第答。悉檀是佛智慧。對利鈍緣則成四種。利人聞世界解第一義。此對釋名辨體卽足。若鈍人未悟。更須爲人生善。對治被惡乃入第一義。則具用四也。五重玄義意兼利鈍。四悉檀法。專爲鈍者。對義是同次第則異。

第二別釋五章。初釋名爲三。一判通別。二定前後。三正解妙法蓮華名異衆典別也。俱稱爲經通也。立此

二名。凡約三意。謂教行理。從緣故教別。從說故教通。從能契故行別。從所契故行通。理從名故別。名從理故通。夫教本應機。機宜不同。故部部別異。金口梵聲。通是佛說。故通別二名也。約行者。泥洹真法。竇衆生以種種門入。如五百比丘各說身因佛言無非正說。三十二菩薩各入不二法門。文殊稱善。大論明阿那波那。皆是摩訶衍以不可得故。當知從行則別。所契則同。約理者。理則不二。名字非一。智度云。般若是一法。佛說種種名。大經云。解脫亦爾。多諸名字。如天帝

釋有千種名。名異故別理一故通。今稱妙法之經。卽是教之通別。各賜諸子等一大車。乘是寶乘。直至道場。卽行之通別。或言實相。或言佛知見。大乘家業。一地實事。寶所繫珠平等大慧等。卽是理之通別。約此三義。故立兩名也。二定妙法前後者。若從義便應先明法。却論其妙。下文云。我法妙難思。若從名便應先妙。次法如欲美彼。稱爲好人。駕論無人。何所稱好。必應先人後好。今題從名便。故先妙後法。解釋義便。故先法後妙。雖復前後亦不相乖。三正解爲二。先

略示次廣說。

應補科云。先釋別名。次釋通名。釋別名二。先妙法。次蓮華。乃用此科接之。略

示因具三義者。一法界具九法界。名體廣。尤法界卽佛法界。名位高。十法界卽空卽假卽中。名用長。卽一而論三。卽三而論一。非各異。亦非橫。亦非一。故稱妙也。果體具三義者。體徧一切處。名體廣。久已成佛。久遠久遠名位高。從本垂迹。過現未來。三世益物。名用長。是爲因果六義。異於餘經。是故稱妙。又乳經。一種因果廣高長。一種因果狹下短。則一麤一妙。酪經。惟一種因果狹下短。但麤無妙。生酥經。三種因果狹下

短。一種因果廣高長則三麤一妙。熟酥經二種因果狹下短。一種因果廣高長。則二麤一妙。醍醐經。一種因果廣高長。但妙無麤。又醍醐經妙因妙果。與諸經妙因妙果不異。故稱妙也。復次觀心釋。若觀已心不具衆生心佛心者。是體狹。具者。是體廣。若已心不等佛心。是位下。若等佛心。是位高。若已心衆生心佛心不卽空。卽假。卽中者。是用短。卽空。卽假。卽中者。是用長。復次於一法界。通達十法界。六卽位者。亦是體廣。亦是位高。亦是用長。初約十法界。是顯理。一次約五

味是約教。一次約觀心。是約行。一次約六卽是約人。

一。略示妙義竟。廣說者。先法次妙。法者三種。謂衆生法。佛法。心法。如經爲令衆生開示悟入佛之知見。若衆生無佛知見。何所論開。當知佛之知見。蘊在衆生也。又經。但以父母所生眼。卽肉眼。徹見內外彌樓山。卽天眼。洞見諸色。而無染著。卽慧眼。見色無錯謬。卽法眼。雖未得無漏。而其眼根清淨。若此。一眼具諸眼用。卽佛眼。此是今經明衆生法妙之文也。大經云。學大乘者。雖有肉眼。名爲佛眼。耳鼻五根。例亦如是。

央掘云。所謂彼眼根。於諸如來常具足無減修了了。分明見乃至意根亦如是。大品云。六自在王性清淨故。又云。一切法趣眼。是趣不過。眼尚不可得。何況有趣有非趣。乃至一切法趣意亦如是。此卽諸經明衆生法妙也。佛法妙者。如經止止不須說我法妙難思。佛法不出權實。是法甚深妙。難見難可了。一切衆生類無能知佛者。卽實智妙也。及佛諸餘法亦無能測者。卽佛權智妙也。如是二法。唯佛與佛乃能究竟諸法實相。是名佛法妙。心法妙者。如安樂中修攝其心。

觀一切法不動不退。又一念隨喜等。普賢觀云。我心自空。罪福無主。觀心無心法不住法。又心純是法。淨名云。觀身實相。觀佛亦然。諸佛解脫當於衆生心行中求。華嚴云。心佛及衆生。是三無差別。破心微塵出大千經卷。是名心法妙也。今依三法更廣分別。若廣衆生。一往通論諸因果及一切法。若廣佛法。此則據果。若廣心法。此則據因。衆生法爲二。先列法數。次解法相數者。經論或明一法攝一切法。謂心是三界無別法。唯是一心作。或明二法攝一切法。所謂名色。一

切世間中。但有名與色。或明三法攝一切法。謂命識
煩。如是等增數乃至百千。今經用十法攝一切法。所
謂諸法如是相如是性如是體如是力如是作如是
因如是緣如是果如是報如是本末究竟等。南岳師
讀此文皆云如。故呼爲十如也。天台師云。依義讀文。
凡有三轉。一云。是相如。是性如。乃至是報如。二云。如
是相。如是性。乃至如是報。三云。相如是性如是乃至
報如是。若皆稱如者。如名不異。卽空義也。若作如是
相如是性者。點空相性名字施設。遷逃不同。卽假義。

也。若作相如是者。如於中道實相之是。卽中義也。分
別令易解。故明空假中。得意爲言。空卽假中。約如明
空。一空一切空。點如明相。一假一切假。就是論中。一
中一切中。非一二三。而一二三。不縱不橫。名爲實相。
唯佛與佛。究竟此法。是十法攝一切法。若依義便作
三意分別。若依讀便。當依偈文云。如是大果報。種種
性相義。^云 權實者。以十如是約十法界。謂六道四
聖也。皆稱法界者。其意有三。一者十數皆依法界。法
界外更無復法。能所合稱。故言十法界也。二者此十

種法分齊不同。因果隔別。凡聖有異。故加之以界也。三者此十皆是法界攝一切法。一切法趣地獄。是趣不過當體卽理。更無所依。故名法界。乃至佛法界亦如是。若十數依法界者能依從所依。卽入空界也。十界界隔者。卽假界也。十數皆法界者。卽中界也。欲令易解。如此分別得意爲言。空卽假中。無一二三。如前云。此一法界。具十如是。十法界。具百如是。又一法界具九法界。則有百法界。千如是。東爲五差。一惡二善。三二乘。四菩薩。五佛。判爲二法。前四是權法。後一

是實法。細論各具權實。且依兩義。然此權實不可思議。乃是三世諸佛二智之境。以此爲境。何法不收。此境發智。何智不發。故文云。諸法。諸法者。是所照境廣也。唯佛與佛。乃能究盡者。明能照智。深窮盡邊底也。其智慧門難解。難入者。歎境妙也。我所得智慧微妙。最第一者。歎智與境相稱也。方便品長行略說此法。後開示悟入廣說此法。火宅譬喻此法。信解領解此法。長者付子此法。藥草述成此法。化城引入此法。如是等種種祇名十如權實法耳。如來洞達究十法底。

盡十法邊。明識衆生種非種芽未芽熟不熟可度脫不可度脫。如實知之無有錯謬。央掘魔羅雖是惡人實相性熟卽時得度。四禪比丘雖是善人惡性相熟卽不堪度。當知衆生之法不可思議雖實而權雖權而實。權實相卽不相妨礙不可以牛羊眼觀視衆生不可以凡夫心評量衆生智如如來乃能評量何以故。衆生法妙故次解十如是法初通解後別解通解者相以據外覽而可別名爲相性以據內自分不改名爲性。主質名爲體功能爲力構造爲作習因爲因。

助因爲緣習果爲果報果爲報初相爲本後報爲末所歸趣處爲究竟等若作如義初後皆空爲等若作性相義初後相在爲等若作中義初後皆實相爲等今不依此等三法具足爲究竟等夫究竟者中乃究竟卽是實相爲等也次別解者取氣類相似合爲四番初四趣次人天次二乘次菩薩佛也初明四趣十法如是相者卽是惡相表墮不如意處譬人未禍否色已彰相師覽別能記凶衰惡相初起遠表泥犁凡夫不知二乘羣弟子知菩薩知不深佛知盡邊如善相

師洞見始終。故言如是相也。如是性者。純習黑惡。難可改變。如木有火。遇緣卽發。大經云。有漏之法。以有生性。故生能生之。此惡有四趣生性。故緣能發之。若泥木像雖有外相。內無生性。生不能生。惡性不爾。故言如是性。如是體者。攬彼摧折麤惡色心。以爲體質也。復次此世先已摧心來世摧色。又此世華報亦摧色心來世果報亦摧色心。故以被摧色心爲體也。如是力者惡功用也。譬如片物雖未被用。指擬所任。言其有用。大經云。作舍取木。不取縷線。作布取縷。不取

泥木地獄有登刀上劍之用。餓鬼有吞銅歛鐵之用。畜生强者伏弱。魚鱗相咀。牽車挽重。皆是惡力用也。如是作者構造經營。運動三業建創諸惡。名之爲作。大經云。譬如世間爲惡行者。名爲半人。旣行惡行。名爲地獄作也。如是因者惡習因也。自種相生。習續不斷。以習發故。爲惡易成。故名如是因。如是緣者助緣也。所謂諸惡我我所。所有具度。皆能助成習業。如水能潤種。故用報因爲緣也。如是果者習果也。如多欲人受地獄身。見苦具謂爲欲境。便起染愛。謂此爲習。

果也。如是報者。報果也。如多欲人在地獄中。趣欲境時。卽受銅柱鐵牀之苦。故名如是報也。本末究竟等者。卽有三義。本空末亦空。故言等。又惡果報在本相性中。此末與本等。本相性在惡果報中。此本與末等。若先無後事。相師不應預記。若後無先事。相師不應追記。當知初後相在此假事論等中。實理心與佛果不異。一色一香。無非中道。此約理論等。以是義故。故言本末究竟等。三義具足。故言等也。次辨人天界十法者。但就善樂爲語。與於四趣相表清升性是白法。

體是安樂。色心力是堪任善器。作是造止行二善。因是白業。緣是善我。我所有具度。果是任運酬善心生。報是自然受樂。等者如前說。次辨二乘法界十法者。約真無漏。相表涅槃。性是非白非黑法。體是五分法身。力能動能出堪任道器。作是精進勤策。因是無漏正智。緣是行行助道。果是四果。二乘既不生是故。無報。何故發真是果而不論報。無漏法起酬於習因得是習果。無漏損生非牽生法。故無後報。三果有報者。殘思未盡。或七生。或一往來。或色界生。非無漏報。

也是故唯九不十。若依大乘此無漏猶名有漏。大經云。福德莊嚴者有爲有漏是聲聞僧。既非無漏不損別惑。猶受變易之生。則無漏爲因。無明爲緣。生變易土。卽有報也。次明菩薩佛界十法者。此更細開。有三種菩薩。若六度菩薩。約福德論。相性體力。善業爲因。煩惱爲緣。三十四心斷結爲果。佛則無報。菩薩卽具十也。若通教菩薩。約無漏論。相性。六地之前。殘思受報。六地思盡。不受後身。普扶習生。非實業報。故惟九無十。若別教菩薩。約修中道行次第觀而論十法。此

人雖斷通惑。自知有生。則具十法。夫生變易。則三種不同。一全未斷別惑。生變易者。卽是三藏二乘及通教三乘。是也。類如分段博地。凡夫不伏見思者。二伏別惑。生變易者。卽是別教三十心人。習於中道。伏而未斷。類如分段小乘方便道也。三者斷別惑。生變易者。如初地初住。斷惑是也。類如初果。雖斷見諦。猶有七生。彼亦如是。若未斷伏生者。用方便行。真無漏爲因。無明爲緣。若伏斷者。順道法愛爲因。無明爲緣。生變易土。佛界十法者。皆約中道分別也。淨名云。一切

衆生皆菩提相不可復得此卽緣因爲佛相性以據
內者智願猶在不失智卽了因爲佛性自性清淨心
卽是正因爲佛體此卽三軌也。方者初發菩提心超
二乘上名爲力作者四弘誓願要期也。因卽智慧莊
嚴緣卽福德莊嚴果卽一念相應大覺朗然無上菩
提爲習果報卽大般涅槃果斷德禪定三昧一切
具足是報果也。本末等者卽相性三諦與究竟三諦
不異故言等也。空諦等者元初衆生如乃至佛如皆
等也俗諦等者衆生未發心佛記當作佛佛旣已成

佛說佛本生事卽是初後相在假等也中等者凡聖
皆實相也就佛界亦九亦十通途爲語從地地皆有
萬行福德爲因無明爲緣習果報果分得十法無不
具足此經云得無量無漏清淨之果報法王法中久
修梵行始於今日得其果報又云久修業所得大經
云我今所獻食願得無上報仁王云三賢十聖住果
報攝大乘云因緣生死有後生死皆是分論果報果
分卽是生滅何者無明分盡是故論滅真明轉盛是
故言生又殘無明在是故言生一分惑除是故言滅

大論云。一人能耘。一人能種。萬行資成如種。智慧破惑如耘。增道損生意在於此。四十一地。皆有十法也。若就妙覺亦九亦十。何者。中道智慧乃是損生。生既未盡。故有諸地生滅不同。妙覺損生義足。最後那得論報。故言。惟佛一人居淨土。三十生盡等大覺。無後有生死煩惱盡故。智德已圓。無復習果。不受後身。無復報果。又約現生後論九論十。若按涅槃經文願得無上報者。卽明佛界報無上也。佛報旣言無上。佛相種等九法悉皆無上。何者。六道相性全表五。一乘。

相性表破四住。全表無明。菩薩相性表次第破五住。佛相性表一切種智淨。若虛空。不爲五住所染。故佛十法最爲無上。復次六趣相表生死苦。二乘相表涅槃樂。佛界相表非生死非涅槃。中道常樂我淨。故言佛界最是無上。復次四道表惡人天表善。二乘表無漏善。菩薩佛表非漏非無漏善。故佛界最爲無上。復次六道表諸有因緣生法。二乘表卽空。菩薩表卽假。佛表卽空卽假卽中。故佛界最爲無上。復次四趣但表惡不能表善。人天相但表善亦不能表惡。二乘但

妙玄節要上
卷之三
表無漏。不兼善惡。佛相兼表一切相。若解佛相。卽便解一切相。是故佛界最爲無上。若用此法歷五味教者。乳教說菩薩界。佛界兩相性。或入卽假等。或入中等。入中乃是無上。而帶一方便。未全無上。酪教。但明二乘相性。得入析空等。尚不明入卽空等。况復餘耶。故非無上。生酥明四種相性。或入析空等。或入卽空等。或入卽假等。或入卽中等。惟佛相性。得入卽空。卽假卽中。而帶三方便。故非無上。熟酥明三種相性。或入卽空。或入卽假。或入卽中。惟佛相性。得入卽空。

卽假卽中。而帶二方便。故非無上。此法華經。明九種相性。皆入卽空卽假卽中。汝實我子。我實汝父。一色一味。純是佛法。更無餘法。故知佛界最爲無上。復次餘經所明九相性。不得入佛相性。卽空卽假卽中者。此經皆開方便。普令得入。又按其相性。卽是卽空。卽假卽中。不論引入。是故如來殷勤稱歎。此法華經。最爲無上。意在此也。復次百界千法。縱橫甚多。以經論結之。令其易解。中論偈云。因緣所生法。我說卽是空。亦名爲假名。亦名中道義。六道相性。即是因緣所生。

妙法也。二乘及通教菩薩等相性。是我說即是空。六度別教菩薩相性。是亦名爲假名。佛界相性。是亦名中道義。結要雖少。攝得前多義。則可見。又涅槃偈云。諸行無常。是生滅法。生滅滅已。寂滅爲樂。六道相性。即是諸行。二乘通教相性。即是無常。別教菩薩相性。即是生滅滅已。佛界相性。即是寂滅爲樂。又生滅滅已。寂滅爲樂。即是別教相性。即於生滅。仍是寂滅。不待滅已。方稱爲樂。是爲圓教佛界相性。又七佛通戒偈云。諸惡莫作。衆善奉行。自淨其意。是諸佛教四趣相

性。即是諸惡。人天相性。即是衆善。自淨其意。即有析體淨意。是二乘相性。入假淨意。是菩薩相性。入中淨意。是佛界相性。若能解十相性。與衆經論律合者。即通達三藏。通別識。一切法無有障礙。廣明衆生法相竟。二廣明佛法者。佛豈有別法。祇百界千如。是佛境界。惟佛與佛究竟斯理。如函大蓋。亦隨大以無邊佛智。照廣大佛境。到其源底。名隨自意法也。若照九法界相性。本末織芥。不遺名隨他意法。從二法本。垂十界迹。或示己身。或示他身。或說自意語。或說他意語。

自意他意不可思議。已身他身微妙寂絕皆非權非
實而能應於九界之權。一界之實而於佛法無所損
減諸佛之法豈不妙耶。是事可知。無勞廣說。至方便
品中。當更明之。三廣釋心法者。前所明法。豈得異心。
但衆生法太廣。佛法太高。於初學爲難。然心佛及衆
生是三無差別者。但自觀已心。則爲易。涅槃云。一切
衆生真足三定。上定者。謂佛性也。能觀心性。名爲上
定。上能兼下。卽攝得衆生法也。華嚴云。遊心法界如
虛空。則知諸佛之境界。法界。卽中也。虛空。卽空也。心

佛。卽假也。三種具。卽佛境界也。是爲觀心。仍具佛法。
又遊心法界者。觀根塵相對。一念心起。於十界中。必
屬一界。若屬一界。卽具百界千法。於一念中。悉皆備
足。此心幻師。於一日夜。常造種種衆生。種種五陰。種
種國土。所謂地獄假實國土。乃至佛界假實國土。行
人當自選擇。何道可從。又如虛空者。觀心自生心。不
須藉緣。藉緣有心。心無生力。緣亦無生心。心
緣各無。合云何有。和尚曰。得離則不生。尚無一生。况
有百界千法耶。以心空故。從心所生。一切皆空。此空

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

亦空。若空非空點空設假。假亦非假。無假無空。畢竟清淨。又復佛境界者。上等佛法。下等衆生法。又心法者。心佛及衆生。是三無差別。是名心法也。二明妙者。一通釋。二別釋。通又爲二。一相待。二絕待。此經惟論二妙。更無非絕非待之文。若更作者。絕何惑。顯何理。故不更論也。待麤妙者。待半字爲麤。明滿字爲妙。亦是常無常大小相待爲麤。滿字是不生不滅門。能通滿理。故名妙。能通滿理。復有二種。一帶方便通滿理。

二直顯滿理。方等般若。帶方便通滿理。今經直顯滿理。二絕待明妙者爲四。一隨情三假法起。若入真諦。待對卽絕。故身子云。吾聞解脫之中。無有言說。此三藏經中。絕待意也。二若隨理三假。一切世間皆如幻化。卽事而真。無有一事而非真者。更待何物爲不真耶。望彼三藏。絕還不絕。卽事而真乃是絕待。此通教絕待也。三別教若起。望卽真之絕還是世諦。何者。非大涅槃。猶是生死世諦。絕還有待。若入別教中道待卽絕矣。四圓教若起。說無分別法。卽邊而中。無非佛

法。亡泯清淨。豈更佛法待於佛法。如來法界故。出法
界外。無復有法可相形比。待誰爲麤。形誰爲妙。無所
可待。亦無所絕。不知何名。強言爲絕。大經云。大名不
可稱量。不可思議。故名爲大。譬如虛空。不因小空名
爲大也。涅槃亦爾。不因小相。名大涅槃。妙亦如是。妙
名不可思議。不因於麤。而名爲妙。若謂定有法界廣
大獨絕者。此則大有所有。何謂爲絕。今法界清淨。非
見聞覺知。不可說示。文云。止止。不須說。即是絕言。我
法妙難思。即是絕思。又云。是法不可示。言辭相寂滅。

亦是絕歎之文。不可以待示。不可以絕示。滅待滅。絕
故言寂滅。又云。一切諸法。常寂滅相。終歸於空。此空
亦空。則無復待絕。中論云。若法爲待成。是法還成待。
今則無因待。亦無所成法。華首云。旣得無生忍。亦不
生無生。無生卽無生。是名絕待。降此已外。若更作者。
絕何物。顯何理。流浪無窮。則墮戲論。乃是迷情分別。
絕待不絕。非絕非待。待於亦待。亦絕。言語相逐。永無
絕矣。何者。言語從覺觀生。心慮不息。語何由絕。如癡
犬逐塊。徒自疲勞。塊終不絕。若能妙悟寰中。息覺觀

風心水澄清言思皆絕。如黠師子放塊逐人塊本既除塊卽絕矣。妙悟之時洞知法界外無法而論絕者約有門明絕也。是絕亦絕約空門明絕也。如快馬見鞭影無不得入。是名絕待妙也。用是兩妙妙上三法衆生之法亦具二妙稱之爲妙。佛法心法亦具二妙稱之爲妙。若將上四種絕待約五味經者乳教兩絕酪教一絕生酥四絕熟酥三絕此經但有一絕若開權絕者無不入一妙絕也。問何意以絕釋妙答祇喚妙爲絕絕是妙之異名。如世人稱絕能耳。又妙是能

絕麤是所絕。此妙有絕麤之功故舉絕以名妙。如迹中先施方便之教大教不得起。今大教若起方便教絕將所絕以名於妙耳。又迹中大教旣起本地大教不得興。今本地教興迹中大教卽絕。絕於迹太功由本大將絕迹之太名於本大故言絕也。又本大教若興觀心之妙不得起。今入觀妙寂言語道斷本教卽絕。絕由於觀將此絕名名於觀妙爲顯此義故以絕爲妙。今將迹之絕妙妙上衆生法將本地之絕妙妙上佛法將觀心之絕妙妙上心法前四絕橫約四教。

今三絕。豎約圓教。別釋妙者爲三。若鹿苑三麞鷲頭一妙。皆迹中之說。約迹開十重論妙。此妙有迹有本。本據元初。元初本妙。十重論妙。迹本俱是教。依教作觀。觀復有十重論妙。迹中有衆生法妙。佛法妙。心法妙。各十重。合三十重。此與衆經論妙。有同有異。本中三十妙。與衆經一向異。此六十重。一一復有待妙。絕妙。則有一百二十重。若破麞顯妙。卽用上相待妙。若開麞顯妙。卽用上絕待妙。迹中十妙者。一境妙。二智妙。三行妙。四位妙。五三法妙。六感應妙。七神通。

妙八說法妙。九眷屬妙。十功德利益妙。釋十妙爲五番。一標章。二引證。三生起。四廣解。五結權實。標章者。云何境妙。謂十如。因緣。四諦。三諦。二諦。一諦等。是諸佛所師。故稱境妙。智妙者。所謂二十智。四菩提智。下中上。上上。七權實。五三智。一如實智。以境妙故。智亦隨妙。以法常故。諸佛亦常。函蓋相稱。境智不可思議。故稱智妙。行妙者。謂增數行。次第五行。不次第五行。智導行故。故言行妙。位妙者。謂三草位。二木位。一實位。妙行所契故言位妙。三法妙者。謂總三法。縱三

法。橫三法。不縱不橫三法。類通三法。皆秘密藏。故稱爲妙。感應妙者。謂四句感應。三十六句感應。二十五感應。別圓感應。水不上升。月不下降。一月一時。普現衆水。諸佛不來。衆生不往。慈善根力。見如此事故。名感應妙。神通妙者。謂報通。修通。作意通。體法通。無記化化通。無謀之權稱緣轉變。若遠若近。若種若熟。若脫。皆爲一乘。故言神通妙。說法妙者。謂說十二部法。小部法。大部法。逗緣法。所詮法圓妙法。如理圓說。咸令衆生開示悟入佛之知見。故言說法妙。眷屬妙者。

謂業眷屬。神通眷屬。願眷屬。應眷屬。法門眷屬。如陰雲籠月。羣臣豪族。前後圍遶。故言眷屬妙。利益妙者。謂果益。因益。空益。假益。中益。變易益。猶如大海能受龍雨。故名利益妙。二引證者。文云。諸法如是相等。惟佛與佛。乃能究竟諸法實相。實相是佛智慧門。門卽境也。又云。甚深微妙法。難見。難可了。我及十方佛。乃能知是相。卽境妙也。我所得智慧微妙最第一。又以此妙慧求無上道。無漏不思議。甚深微妙法。惟我知是相。十方佛亦然。卽智妙也。本從無數佛。具足行

諸道行此諸道已。道場得成果。又云。合掌以敬心。欲聞具足道。又諸法從本來。常自寂滅相。佛子行道已來。世得作佛。卽行妙。天雨四華。表往行向地。開示悟入。亦是位義乘。是寶乘。行於四方。四方是因位。直至道場是果位。是名位妙。佛自住大乘。如其所得法。定慧力莊嚴。大乘卽真性。定卽資成慧。卽觀照。是爲三法妙。我於三七日中。思惟如是事。又我以佛眼觀見六道衆生。又一切衆生皆是吾子。又遙見其父踞師子牀。卽感應妙也。今佛世尊入於三昧。是不可思議。

現希有事。神通妙也。如來能種種分別。巧說諸法。言辭柔軟。悅可衆心。身子云。聞佛柔軟音。深遠甚微妙。又其所說法。皆悉到於一切智地。又但說無上道。又已今當說。最爲難信難解。卽說法妙。但教化菩薩。無聲聞弟子。卽眷屬妙。現在未來。若聞一句一偈。皆與三菩提記。又須臾聞者。卽得究竟三菩提。又若以小乘化。我卽墮慳貪。是事爲不可。又終不令一人獨得減度。皆以如來減度而減度之。卽利益妙也。三生起者。實相之境。非佛天人所作。本自有之。非適今也。

故最居初。迷理故起惑。解理故生智。智爲行本。因於智目。起於行足。目足及境。三法爲乘。乘於是乘。入清涼池。登於諸位。位何所住。住於三法秘密藏中。住是法已。寂而常照。照十法界機。機來必應。若赴機垂應。先用身輪。神通駭動。見變通已。堪任受道。節以口輪。宣示開導。旣霑法雨。稟教受道。成法眷屬。眷屬行。拔生死本。開佛知見。得大利益。前五約自。因果具足。後五化他。能所具足。法雖無量。十義意圓。自他始終。皆悉究竟也。四廣釋境爲六。一十如境。二因緣境。

三四諦境。四二諦境。五三諦境。六一諦境。十如境。如前說。二因緣境又爲四。一正釋。二判麤妙。三開麤顯妙。四觀心。正釋又爲四。一明思議生滅。十二因緣。二明思議不生不滅。十二因緣。三明不思議生滅。十二因緣。四明不思議不生不滅。十二因緣。一思議生滅因緣者。中論云。爲鈍根弟子說。十二因緣生滅相。此簡異外道。外道邪謂諸法從自在天生。或言世性。或言微塵。或言父母。或言無因。種種邪推。不當道理。此正因緣不同邪計。惟是過去無明顛倒心中。造作諸

行能出生今世六道苦果好惡不同。正法念云。晝人分布五彩圖一切形端正醜陋不可稱計。原其根本從晝手出。六道差別。非自在等作。悉從一念無明心出。無明與上品惡行業合。卽起地獄因緣。如晝出黑色。無明與中品惡行合。起畜生道因緣。如晝出赤色。無明與下品惡行合。起鬼道因緣。如晝青色。無明與下品善行合。卽起修羅因緣。如晝黃色。無明與中品善行合。卽起人因緣。如晝白色。無明與上品善行合。卽起天因緣。如晝上上白色。當知無明與諸行合故。

卽有六道名色觸受乃至生老死等。隨上中下。差別不同。人天諸趣苦樂萬品。以生歸死。死已還生。三世盤廻車輪旋火。故經言。有河洄瀼沒衆生無明所盲不能出。又稱爲十二牽連。更相拘帶。亦名十二重城。亦名十二棘園。新新生滅念念不住。故名生滅十二因緣也。瓔珞云。無明緣行生十二。乃至生緣老死亦生十二。是則一百二十因緣。初是癡。乃至老死亦是癡。不覺故癡。初亦不覺。至老死亦不覺。癡故生。癡故死。若能覺因緣。因緣卽不行。癡不行故。則將來老死。

盡。名爲點。點卽隨道。一思議不生不滅十二者。此以巧破拙。中論云。爲利根弟子說。十二不生不滅。癡如虛空乃至老死。如虛空無明如幻化不可得故。乃至老死如幻化不可得。金光明云。無明體相本自不有。妄想因緣和合而有。不善思惟心行所造。如幻師在四衢道幻作種種象馬瓔珞人物等。癡謂真實智知非真。無明幻出六道依正。當知本自不有。無明所爲如知藤本非蛇。則怖心不生。不生故不滅。是名思議不生不滅十二因緣相也。三不思議生滅因緣者。破

小明大爲利鈍兩緣說界外法也。華嚴云。心如工畫師。作種種五陰。一切世間中。莫不從心造。畫師卽無明心也。一切世間。卽是十法界假實國土等也。無明之心。不自不他。不共不無因。四句皆不可思議。若有四悉檀因緣。亦可得說。如四句求夢不可得。而說夢中見一切事。四句求無明不可得。而從無明出界內外一切法。出界內十二因緣。如前說。出界外十二因緣者。如實性論云。羅漢支佛空智。於如來身本所不見。二乘雖有無常等四對治。依如來法身。復是顛倒。

顛倒故卽是無明。住無漏界中。有四種障。謂緣相。生壞。緣者謂無明住地與行作緣也。相者無明共行為因也。生者謂無明住地共無漏業因。生三種意生身也。壞者三種意生身緣不可思議變易死也。還如界內十二因緣從無明至老死也。緣者卽無明支也。相者行支也。生者卽名色等五支也。愛取有三支例前可知。壞卽生死支也。此十二支數同界內義意大異。彼論云。三種意生身未得離無明垢未得究竟無爲淨。無明細戲論未永滅未得究竟無爲我無明細戲

論集因無漏業生意陰未永滅未得究竟無爲樂。煩惱染業染生染未究竟滅未證甘露究竟常以緣煩惱道故不得大淨。以相業道故不得入自在。以生苦道故不得大樂。以壞老死故不得不變易常。是爲界外不思議生滅十二因緣相。四不思議不生不滅十二因緣者爲利根人卽事顯理也。大經云。十二因緣名爲佛性。無明愛取。既是煩惱。煩惱道即是菩提。菩提通達。無復煩惱。煩惱旣無。卽究竟淨了。因佛性也。行有是業道卽是解脫。解脫自在緣因佛性也。名

色老死是苦道。苦卽法身。法身無苦無樂。是名大樂。不生不死。是常。正因佛性也。故言無明與愛。是二中間。卽是中道。無明是過去。愛是現在。若邊若中。無非佛性。並是常樂我淨。無明不生亦復不滅。是名不思議。不生不滅十二因緣也。二判麤妙者。因緣之境。不當麤妙。取之淺深。致有差降耳。前三是權爲麤。後一是實爲妙。歷五味可知。三開顯者。如經我法妙難思。前三皆是佛法。豈有思議之麤。與不思議之妙。祇體思議。卽不思議。如來於不思議方便說麤。何得保麤。

異妙。四觀心者。觀一念無明。卽是明。大經云。無明者。卽畢竟空。空慧照無明。無明卽淨。譬如有人覺知。有賊。賊無能爲。旣不爲無明所染。卽是煩惱道淨。煩惱淨。故則無業。無業故無縛。無縛故是自在。我旣自在。不爲業縛。誰受是名色觸受。無受則無苦。旣無苦。陰誰復遷滅。卽是常德。一念之心。旣具十二因緣。觀此因緣。恒作常樂我淨之觀。其心念念住秘密藏中。恒作此觀。名託聖胎。觀行純熟。胎分成就。若破無明。名出聖胎。三明四諦境爲四。一明四諦。二判麤。

妙三開顯。四觀心。四諦者。一生滅。二無生滅。三無量。四無作。其義出涅槃聖行品。約偏圓事理分四種之殊。所言生滅者。迷真重故。從事受名。然苦集是一法。分因果成兩道。滅亦然。雜心云。諸行果性是說苦諦。因性說集諦。一切有漏法究竟滅。說滅諦。一切無漏行說道諦。大經云。陰入重擔逼迫繫縛。是苦諦。見愛煩惱能招來果是集諦。戒定慧無常苦空能除苦本。是道諦。二十五有子果縛斷是滅諦。此皆明生滅。四聖諦相也。聖者對破邪法故言正聖。諦者有三解。謂

自性不虛。故稱爲諦。又見此四得不顛倒覺。故稱爲諦。又能以此法顯示於他。故名爲諦。大經云。凡夫有苦無諦。聲聞緣覺有苦有苦諦。當知凡夫不見聖理。不得智。不能說。但苦無諦。聲聞具三義。故稱爲諦也。無生者。迷真輕故從理得名。苦無逼迫相。集無和合相。道不二相。滅無生相。又習應苦空。三亦如是。又無生者。生名集道。集道即空。空故不生集道。集道不生則無苦滅。卽事而真。非滅後真。大經云。諸菩薩等。解苦無苦。是故無苦而有真諦。三亦如是。是故名爲無

生四聖諦。無量者。迷中重故從事得名。苦有無量。相十法界果不同故。集有無量相。五住煩惱不同故。道有無量相。恒沙佛法不同故。滅有無量相。諸波羅密不同故。大經云。知諸陰苦。名爲中智。分別諸陰。有無量相。非諸聲聞緣覺所知。我於彼經。竟不說之。三亦如是。是名無量四聖諦。無作者。迷中輕故。從理得名。以迷理故。菩提是煩惱。名集諦。涅槃是生死。名苦諦。以能解故。煩惱卽菩提。名道諦。生死卽涅槃。名滅諦。卽事而中。無思無念。無誰造作。故名無作。大經云。世

諦卽是第一義諦。有善方便。隨順衆生。說有二諦。出世人知。卽第一義諦。一實諦者。無虛妄。無顛倒。常樂我淨等。是故名爲無作四聖諦。二判麤妙者。大小乘論諦。不出此四。或教行證不融者爲麤。教融行證未融亦麤。俱融者則妙。約五味可知。三開顯者。大經云。生生不可說。乃至不生不生不可說。有因緣故。亦可得說。或三種可說爲麤。一可說爲妙。三不可說爲麤。一不可說爲妙。或四皆可說爲麤。四皆不可說爲妙。或四可說有麤有妙。或四不可說有麤有妙。或四可

說皆非麤非妙。或四不可說。皆非麤非妙。如是等種
種。皆決了入妙。開權顯實。四皆不可說。是位高。四皆
可說。是體廣。四亦可說。亦不可說。是用長。四非可說
非不可說。是非高非廣。非長非短。非一非異。同稱爲
妙也。觀心可知。四明二諦爲四。一略明三義者。謂正
明二諦。三判麤妙。四開麤顯妙。一略明三義者。謂隨
情。情智。智等。隨情說者。情性不同。說隨情異。如順盲
情。種種示乳。盲聞異說。而諍白色。豈卽乳耶。隨情智
者。情謂二諦。二皆是俗。若悟諦理。乃可謂眞。眞則惟

一。如五百比丘。各說身因。身因乃多。正理惟一。經云。
世人心所見。名爲世諦。出世人心所見。名第一義諦。
如此說者。卽隨情智二諦也。隨智者。聖人悟理。非但
見真。亦能了俗。如眼除膜。見色見空。無漏逾深。世智
轉淨。故經言。凡人行世間。不知世間相。如來行世間。
明了世間相。此是隨智二諦也。二正明二諦者。取意
存畧。但點法性爲真諦。無明十二因緣爲俗諦。於義
卽足。但人心粗淺。不覺其深妙。更須開拓。則論七種
二諦。一者實有爲俗。實有滅爲真。二者幻有爲俗。幻

有卽空爲真。三者幻有爲俗。卽幻有空不空共爲真。四者幻有爲俗。幻有卽空不空一切法趣空不空爲真。五者幻有幻有卽空皆名爲俗。不有不空爲真。六者幻有幻有卽空皆名爲俗。不有不空一切法趣不有不空爲真。七者幻有幻有卽空皆爲俗。一切法趣有趣空趣不有不空爲真。實有二諦者。陰入界等。皆是實法。實法所成森羅萬品。故名爲俗。方便修道滅此俗已。乃得會真。大品云。空色色空。以滅俗故。謂爲空色。不滅色故。謂爲色空。病中無藥。文字中無菩提。

皆是此意。是爲實有二諦相也。約此亦有隨情情智等三義。推之可知。幻有空二諦者。斥前意也。何者。實有時無真。滅有時無俗。二諦義不成。若明幻有者。幻有是俗。幻有不可得。卽俗而真。大品云。卽色是空。卽空是色。空色相卽。二諦義成。是名幻有空二諦也。幻有空不空二諦者。俗不異前真。則三種不同。一俗隨三真。卽成三種二諦。其相云何。如大品明非漏非無漏。初人謂非漏是非俗。非無漏是遺滯。何者。行人緣無漏生著。如緣滅生使。破其著心。還入無漏。此是

一番二諦也。次人聞非漏非無漏謂非二邊別顯中理。中理爲真。又是一番二諦也。又人聞非有漏非無漏。卽知雙非。正顯中道。中道法界方用廣大。與虛空等。一切法趣非有漏非無漏。又是一番二諦也。大經云。聲聞之人。但見於空不見不空。智者見空及與不空。卽是此意。二乘謂著此空破著空故。故言不空。空著若破。但是見空不見不空也。利人謂不空是妙有。故言不空。利人聞不空謂是如來藏。一切法趣如來藏。還約空不空。卽有三種二諦也。復次約一切法

趣。非漏非無漏顯三種異者。初人聞一切法趣非漏非無漏。謂諸法不異空。周行十方界還是瓶處。如又人聞趣。知此中理。須一切行來趣發之。又人聞一切趣。卽非漏非無漏具一切法也。是故說此一俗隨三真轉。或對單真。或對複真。或對不思議真。無量形勢婉轉赴機。出沒利物。一一皆有隨情情智。智等三義。若隨智證。俗隨智轉。智證偏真。卽成通二諦。智證不空真。卽成別入通二諦。智證一切趣不空真。卽成圓入通二諦。三人入智不同。復局照俗亦異。幻有無爲。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

俗不有不無爲真者。有無二故爲俗。中道不有不無不二爲真。乘聞此真俗俱皆不解。故如痴如聾。大經云。我與彌勒共論世諦。五百聲聞謂說真諦。卽此意也。圓入別二諦者。俗與別同。真諦則異。別人謂不空但理而已。欲顯此理。須緣修方便。故言一切法趣不空。圓人聞不空理。卽知具一切佛法無有缺減。故言一切趣不空也。圓教二諦者。直說不思議二諦也。真卽是俗。俗卽是真。如意珠。珠以譬真。用以譬俗。卽珠是用。卽用是珠。不二而二。分真俗耳。三判麤妙。

者。實有二諦。半字法門。引鈍根人。蠲除戲論之糞。二諦義不成。此法爲麤。如幻二諦。滿字法門。爲教利根。諸法實相。三人共得。比前爲妙。同見但空方後則麤。以別入通。能見不空是。則爲妙。教譚理不融。是故爲麤。以圓入通爲妙。妙不異後帶通方便。爲麤。別二諦不帶通方便。是故爲妙。教譚理不融爲麤。圓入別理融爲妙。帶別方便爲麤。惟圓二諦。正直無上道。是故爲妙。次約隨情智判麤妙者。且約三藏。初聞隨情二諦。執實語爲虛語。起語見故。生死浩然。無佛法氣分。

若能勤修念處發四善根。是時隨情二諦皆名爲俗。發得無漏所照二諦皆名爲真。從四果人以無漏智所照真俗皆名隨智二諦。隨情則麤。隨智則妙。譬如轉乳始得成酪。既成酪已。心相體信。入出無難。即得隨情。情智等說。通別入通圓入通。令其恥小慕大。自悲敗種。渴仰上乘。是時如轉酪爲生酥。心漸通泰。卽爲隨情。情智等說。別圓入別。明不共般若。命領家業。金銀珍寶出入取與。皆使令知。旣知是已。卽如轉生酥爲熟酥。諸佛法久後要當說真實。卽隨情。

智智等說圓二諦。如轉熟酥爲醍醐。是則六種二諦。調熟衆生。雖成四味。是故爲麤。醍醐一味。是則爲妙。又東判麤妙。前二教。雖有隨智等。一向是隨情說。他意語故。名爲麤。別入通去雖有隨情等。一向東爲情智說。自他意語故亦麤亦妙。圓二諦。雖有隨情等。一向是隨智說。佛自意語故稱爲妙。若歷五味教者。乳教有別。圓入別。圓三種二諦。二麤一妙。酪教但實有二諦。純麤。生酪具七種二諦。六麤一妙。熟酥六種。五麤一妙。法華但有一圓二諦。無六方便。惟妙不麤。題

稱爲妙。意在於此。是爲相待判麤妙也。四開顯者。三世如來。本令衆生開佛知見。得無生忍。大事因緣。出現於世。法華論云。蓮華出水。義不可盡。出離小乘泥濁水。故入如來大衆中坐。如諸菩薩坐蓮華上。聞說無上清淨智慧者。必非坐華葉也。乃是諸菩薩聞說一圓道。證一圓果。處華王界同舍那佛坐蓮華臺耳。佛意如此。始見我身。初聞一實。已入華臺。爲未入者。從頓開漸。更以異方便。助顯第一義。說諸二諦。或單。或複。或不可思議。種種不同。皆爲華臺而作方便。不

惟始自鹿苑。又不止近在寂場。從本成佛已來。乃至從本行菩薩道時。而爲衆生作華臺方便。文云。我本立誓願。普令一切衆。亦同得此道。當知弄引豈止今耶。本來所化入華臺者。自是一邊。其未入者。如上方便不息。中間亦如是。若從華嚴方等般若等經。或別入通圓。入通圓。入別等入華臺者。與本入者無異。復自是一邊。其未入者。四味調熟。皆於此經得入華臺。諸教之中。或住三味。二味。一味。或全生者。皆決麤令妙。悉入華臺。三藏保果。難破已破。難開已開。况易破。

易開悉隨情仍本當門顯實卽入華臺。文云。七寶大車。其數無量。各賜諸子。此卽開權顯實諸麤皆妙。絕待妙也。五明三諦爲三。一明三諦。一判三開。却前兩種二諦以不明中道故。就五種二諦得論中道。卽有五種三諦。約別入通點非有漏非無漏。三諦義成。有漏是俗。無漏是真。非有漏非無漏是中。當教論中。但異空而已。中無功用。不備諸法。圓入通三諦者。二諦不異前點。非漏非無漏具一切法與前中異也。別三諦者。開彼俗爲兩諦。對真爲中。中理而已。圓入別

60 1 2 3 4 5 6 7 8 9

70

80

1 2 3 4 5 6 7 8 9

轉日及不轉日。醒人但見不轉。不見於轉。轉二爲麤。不轉爲妙。三藏全是轉二。同彼醉人。諸大乘經。帶轉三說。不轉一。今經正直捨方便。但說無上道。不轉一。實是故爲妙。諸諦不可說者。諸法從本來。常自寂滅相。那得諸諦紛紜相疑。一諦尚無諸諦安有。一一皆不可說。可說爲麤。不可說爲妙。不可說亦不可說。是妙。是妙亦妙。言語道斷故。若通作不可說者。生生不可說乃至不生不生不可說。前不可說爲麤。不生不生不可說爲妙。若麤異妙。相待不融。麤妙不二。卽絕。

待妙也。約五味者。乳教一麤無諦。一妙無諦。酪教一麤無諦。生酥三麤無諦。一妙無諦。熟酥二麤無諦。一妙無諦。此經但一妙無諦。開麤如前。問。何故大小通論無諦答。釋論云。不破聖人心中所得涅槃爲未得者執涅槃生戲論。如緣無生使故破言無諦也。問。若爾。小乘得與不得俱皆被破。大乘得與不得亦俱應破。答。不例。小乘猶有別惑可除別理可顯。故雖得須破。中道不再得。云何破。問。若爾中道惟應有一實諦。不應言無諦也。答。爲未得者執中生惑。故須無諦。實

得者有。戲論者無。第二智妙者。至理玄微。非智莫顯。智能知所。非境不融。境既融妙智亦稱之。故次境說智爲六。一數。二類。三相。四照。五判。六開。數者。一世智。二五停心。四念處智。三四善根智。四四果智。五支佛智。六六度智。七體法聲聞智。八體法支佛智。九體法菩薩入真方便智。十體法菩薩出假智。十一別教十信智。十二三十心智。三十地智。十四三藏佛智。十五通教佛智。十六別教佛智。十七圓教五品弟子智。十八六根清淨智。十九初住至等覺智。二十妙覺。

智類者。世智無道邪計妄執。心行理外。不信不入。故爲一。五停心四念處已入初賢佛法氣分。俱是外凡。故爲一。四善根同是內凡。故爲一。四果同見真。故爲一。支佛別相觀能侵習。故爲一。六度緣理智弱緣事智強。故爲一。通教聲聞體法智勝。故爲一。支佛又小勝。故爲一。通教菩薩入真方便智。四門偏學。故爲一。通教出假菩薩智。正緣俗故爲一。別教十信智。先知中道勝前劣後。故爲一。別三十心。俱是內凡。故爲一。十地同是聖智。故爲一。三藏佛是師位名勝。三乘弟

子。故爲一。通教佛智斷惑照機勝故爲一。別教佛智又勝。故爲一。圓教五品弟子同具煩惱能知如來秘密之藏。故爲一。六根清淨智鄰真故爲一。初住至等覺。同破無明故爲一。妙覺佛智無上最尊故爲一。三辨相者。天竺世智極至非想。此間所宗要在忠孝。五行六藝。天文地理。醫方卜相。兵法貨法。草木千種皆識。禽獸萬品知名。又塗左割右等無憎愛。獲根本定發五神通。停河在耳。變釋爲羊。納吐風雲。捫摸日月。法是世間法。定是不動定。慧是不動出。邀名利。增見

愛。世心所知。故名世智也。五停四念者。有定故言停。有慧故言觀。觀能翻邪。定能制亂。數息治散。不淨治貪。慈悲治瞋。因緣治癡。念佛治障道。念處是觀苦諦。上四智治於四倒。四倒不起。由此四觀。初翻四倒。未入聖理。故言外凡智也。煥法緣四諦境。生智伏煩惱。如火以煙在初爲相。無漏智火。亦以煥法在先爲相。頂法者。色界善根。猶如山頂。故名頂。若能親近善友。從其聞。隨順方便法。內心正觀。信佛菩提。信善說法。信僧清淨功德。是說信實。說色無常乃至說識無常。

是說信陰。知有苦集滅道。是說信諦。若如是卽住頂。若不如是卽頂退。忍觀法者。正觀欲界苦。色無色界苦。欲界行集。色無色界行集。欲界行滅。色無色界行滅。斷欲界行道。斷色無色界行道。如是三十二心。是名下忍。行者後時損減行及緣。乃至正觀欲界苦。常相續不斷。不遠離。如是觀時。渙生厭患。復更減損。但作二心觀於一行。是名中忍。復以一心觀欲界苦。是名上忍。復次生世第一法。世第一法。復次生苦法忍。初果八忍八智。三果重慮緣真九無礙九解脫智。支

佛用總相別相。如約三世明苦集分別十二因緣。卽別相相也。六度緣理智弱伏而未斷。事智強能捨身命財無所遺顧。通教聲聞。總相一門達俗卽真。緣覺能於一門總相別相達俗卽真。通菩薩能於四門總相別相達俗卽真。又能徧四門出假教化衆生。別十信。信果頭真如實相。爲求此理。起十信心。十住正習。入空傍習。假中。十行正習。假傍習中。十迴向。正習中。初地證中。二地已上。重慮於中。三藏佛。一時用三十四心。斷正習盡。通佛坐道場。一念相應慧斷餘殘習。

氣別佛用金剛後心。斷一品無明究竟盡成佛。圓五品具煩惱性能知如來秘密之藏。六根淨位獲相似中道智。初住獲如來一身無量身。入法流海中行。任運流注後位可解。四明智照境者。若由智照境。由境發智。四句皆墮性中。若四悉檀因緣立境智但有名字。智能照境。境亦照智。仁王云。說智及智處。皆名爲般若。且置斯義。世智照六道十如。五停心智去至體法。凡七智照二乘十如。六度及通教出假菩薩智。兩屬上求照菩薩十如下化。照六道十如。別四十心智。

亦兩屬如上。十地智兩屬。次第照照菩薩十如。不次第照照佛十如。五品去凡四智皆照佛界十如。總略如此。二十智照四種十二因緣者。世智。五停四念四果乃至支佛。六度三藏佛。凡七智。照思議生滅十二因緣通教三乘入真方便智。出假智佛智。凡五智。照思議不生滅因緣境別教十信。三十心。十地。佛。凡四智。照不思議生滅因緣境。其中不無別意。且從大判。圓教四智照不思議不生不滅因緣境。二十智照四種四諦可例知。照二諦者。前教七智照析空之二。

諦次五智照體空之二諦。次八智照顯中之二諦。其間別圓相入者可以意得。照三諦者。前七智照無中之二諦。是因緣所生法。皆屬俗攝。次五智照合中之二諦。卽空一句。皆屬真諦攝也。次別圓八智照顯中之二諦。卽假名亦名中道二句。皆屬中諦攝也。照一實諦者。此須引釋論明。四悉檀皆名爲實。世界故實乃至第一義故實。當知實語亦通四諦。生滅故實乃至無作故實。前七智照生滅之實。乃至圓四智照無作之實。次二十智無諦無照者。無諦無別理。若於

四種四諦得悟。不復見諦與不諦。故無諦亦通也。前七智照生滅之無諦。生生不可說故。乃至圓四智照無作之無諦。不生不生不可說故。前三無諦是權後一無諦是實。就此言教。若就妙悟。同於聖人心中所照者。則不見有權實故非權非實。空拳詎小兒誘度於一切。方便說權說實。會理之時無復權實。故稱非權非實爲妙也。五明麤妙者。前十二番智是麤。後八番智爲妙。別教十信初已聞常信修於常。是故爲妙。又別四智三麤一妙。圓教四智悉皆稱妙。六明開者。

前十六番智若不決了。但是麤智。若得決了。悉成妙智。如妙莊嚴。先是外道世智。聞法華經。便得決了。以邪相入正相。於諸見不動。而修三十七品。不捨八邪。而入八正。即是決於世智得入妙智。或與五品齊。或與相似齊。或與分得齊。節節有入義。若五停方便智。乃至通佛等智。若不決了。即是麤智。今開權顯實。汝等所行。是菩薩道。又決了歷別之智。入於妙智。當體即是某位。進入是某位。十六麤智皆成妙智。無麤可待。即是絕待智妙也。對境明智真在全本。不能具錄。

須往尋之

第三行妙爲三。一通途增數行。二約教

增數行。夫行名進趣。非智不前。智解導行。非境不正。智目行足。到清涼池。而解是行本。行能成智。故行滿而智圓。智能顯理。理窮則智息。如此相須者。則非妙行。妙行者。一行一切行。如經云。本從無數佛具足行諸道。又云。無量諸佛所。而行深妙道。又云。盡行諸佛所有道法。既具復深。又盡。具即是廣。深即是高。盡即究竟。此之妙行。與前境智。一而論三。三而論一。前境說如法相。法相亦具三名。秘密藏。前智是如法相解。

60 1 2 3 4 5 6 7 8 9

70

80

1 2 3 4 5 6 7 8 9

解亦具三。如面上三目。今行是所行。如所說。行亦具三。如心字三點。若三若一。皆無缺減。故稱妙行耳。前對境明智。今亦應對智明。行若直對一種智。增數明行。則行若塵沙。說不可盡。况對諸智。各導衆行。則浩若虛空。得意亡言。不復可說。釋論云。菩薩行般若時。以一法爲行攝。一切行。或無量一法爲行攝。一切行。或二法爲行攝。一切行。或無量二法爲行攝。一切行。乃至十法。百法。千萬億法爲行攝。一切行。或無量十法。百法。千萬億法爲行攝。一切行。雖衆多。以智爲

本。智如尊主。行若商人。智如利鍼。行如長線。智御行牛。車則安隱。能有所至。用此增數諸行。爲前十如諦智所導。乃至一實諦智所導。若得此意。以正智導衆。行入正境中。此意惟可懸知。不可載記。二約教增數者。三藏增數明行。如阿含中。佛告比丘。當修一法。我證汝等四沙門果。謂心不放逸。若能護心不放逸。行廣演廣布。則所作已辦。能得涅槃。又告比丘。當修一法。謂他物莫取。比丘白佛。我已知已佛言。汝云何知。比丘白佛。他物謂色聲香味觸法。佛言。善哉。若能不

取此六。卽所作已辦能得涅槃。所言廣演廣布者。以不放逸心歷一切法。謂三界六塵皆不放逸得至涅槃。增三數明行者。阿含云。阿練若比丘當修二法。謂修止觀。若修止時。卽能休息諸惡。戒律威儀。諸行禁戒。悉皆不失成諸功德。若修觀時。卽能觀苦。如實知之。觀苦集苦盡苦出要如實知之。得漏盡不受後有。怛薩阿竭亦如是修。增三數明行者。謂戒定慧。此三是出世梯階。佛法軌儀。戒經云。諸惡莫作。衆善奉行。自淨其意。是諸佛教。諸惡卽七支過罪。輕重非違。五

部律廣明其相。如是等惡。戒所防止。諸善者。善三業。若散若靜。前後方便。支林功德。悉是清升。故稱爲善。自淨其意者。卽是破諸邪倒。了知世間出世間因果。正助法門。能消除心垢。淨諸瑕穢。豈過於慧。佛法曠海。此三攝盡。若得此意。四五六七乃至百千萬億法爲行攝。一切行亦如是。是名下智導行也。通教增數行者。不定部帙。但取三乘共學法門。今且引釋論增數以示其相。論云。菩薩行般若時。雖知諸法一相。亦能知一切法種種相。雖知諸法種種相。亦能知一切

法一相。云何觀一切法一相。所謂觀一切法無相。如四大各各不相離。地中有水火風。但地多。以地爲名。水火風亦如是。今觀無此異相。若火中有三大。三大應併熱。若三大在火中。三大遂不熱。則不名火。若三大併熱。則三大捨自性。皆名爲火。無復三大。若言有三大而細不可知此。與無何異。若麤可得。則知有細。若無麤。細亦無。如是。則火中諸相不可得。一切法相亦不可得。是故一切法皆一相。此以一相破異相。復以無相破一相。無相亦自滅。如前火木。然諸薪已。亦

復自燒。是爲觀一切法一相。一相無相。如是無量一切法悉皆一相。一相無相。或二法爲行。攝一切行。乃至百千萬億法爲行。攝一切行。可以意推。不復繁記。別教增數行者。如善財入法界中說。於一善知識所。各聞一法爲行。或如幻三昧。或投巖赴火。算砂。相麤。發菩提心等。種種一行。皆云。佛法如海。我惟知此一法門。餘非所知。乃至一百一十善知識。一一法門。皆如是。是一一行。皆破無明。入深境界。若二法。三法。百千萬億等法。亦應如是。圓教增數行者。如文殊問經。

明菩薩修一行三昧。當於靜室結跏趺坐繫緣法界一念法界。一切無明顛倒永寂如空。此之一行。即是
一切無礙人。一道出生死。一切諸法中。皆以等觀入。
解慧心寂然三界無倫匹。此乃一行攝一切行。增二
法爲行攝。一切行。所謂止觀。增三法爲行攝。一切行
謂聞思修。戒定慧。增四法爲行攝。一切行。謂四念處。
增五法爲行攝。一切行。謂五門禪。增六法爲行攝。一
切行。謂六波羅密。增七法爲行攝。一切行。謂七善法。
增八法爲行攝。一切行。謂八正道。增九法爲行攝。一

切行。謂九種大禪。增十法爲行攝。一切行。謂十境界。
或十觀成乘等。增百數千萬億數阿僧祇不可說法
門爲行。豈可具載。若得其意。例可解。然增數明行。爲
行不同。須判麤妙。若三藏增數諸行。以生滅智導。但
期出苦。止息化城。是故爲麤。通教增數諸行。體智雖
巧。但導出苦。灰斷是同。別增數行。智導則遠。自淺階
深。而諸行隔別。事理不融。是故爲麤。圓增數行。行融
智圓。是故爲妙。今經屬圓增數。如觀經云。於三七日。
一心精進。此就一法論行妙。若行若坐思惟。此經此

就二法論行妙。若聞此經。思惟修習善行菩薩道。此就三法論行妙。四安樂行。此就四法論行妙。五品弟子。此就五法論行妙。六根清淨。此就六法論行妙。如是等待麤論妙也。開顯者。低頭舉手。積土弄砂。皆成佛道。雖說種種法。其實爲一乘。諸行皆妙。無麤可待。待卽絕矣。別約五數廣明次不次行。不能具錄。尋之第四位妙者。諦理旣融。智圓無隔。導行成妙。三義已顯。體宗用足。更明位妙者。行之所階也。但位有權實。布在經論。若成論毘曇判位。言不涉天地攝等論。

判位別敘。一途義不兼括。方等諸經明位。瓔珞已判淺深。般若諸經明位。仁王盛談高下。而未彰麤妙。今經位名不彰。而意兼大小。粗判權實。然梵文不盡度。本經必有。今藥草喻品。但明六位。文云。轉輪聖王釋梵諸王。是小藥草。知無漏法。能得涅槃。獨處山林。得緣覺證。是中藥草。求世尊處。我當作佛。行精進定。是上藥草。又諸佛子。專心佛道。常行慈悲。自知作佛。決定無疑。是名小樹。安住神通。轉不退輪。度無量億百千衆生。是名大樹。追取長行中一地所生。一雨所潤。

及後文云。今當爲汝說最實事。以爲第六位也。前三
義是藏中位。小樹是通位。大樹是別位。最實事是圓
位。小草位者。人天乘也。四種輪王。六欲天乃至色無
色界等。皆約果報明位。果報既有優劣。當知修因必
有淺深。中草位者。卽二乘也。聲聞七賢。七聖。及二種
辟支。各有大小。上草位者。卽三藏菩薩也。從初發心
緣四諦。發四弘。於三阿僧祇劫。具行六度。百劫種相
好因。至菩提樹下。以三十四心。一時斷結。則名爲佛。
小樹位者。卽通教三乘。共十地位。而菩薩別得法忍。

之名。大樹位者。別教位也。如瓔珞所明五十二位。初
十信爲外凡。次十住。習種性。十行性。種性。十迴向道
種性。爲內凡。十地聖種性。及等覺性。爲分證。妙覺性
爲究竟。次明最實位者。卽圓教位也。有言頓悟。卽佛
無復位。次之殊。引思益云。如此學者。不從一地至一
地。又有言頓悟初心。卽究竟圓極。而有四十二位者。
是化鈍根。方便立淺深之名耳。引楞伽云。初地。卽二
地。二地。卽三地。寂滅真如。有何位次。又有言。初頓悟
至十住。卽是十地。而說有十行。十迴向。十地者。此是

重說耳。今謂諸解悉是偏取。然平等法界尚不論悟與不悟。孰辨淺深。既得論悟與不悟。何妨論於淺深。究竟大乘無過擧嚴大集。大品法華涅槃。雖明法界平等。無說無示。而菩薩行位。終自炳然。又有人言。平等法界定無位次。今例難此語。真諦有分別耶。真諦無分別耶。見真之者判七賢七聖二十七賢聖等。今實相平等。雖無位次。見實相者判位次何咎。大論云。譬如入海。有始入者。到中者。至彼岸者。若見真判位如江河淺深。若實相判位。如入海淺深。故普賢觀云。

大乘因者。諸法實相。大乘果者。亦諸法實相。論諸次位。非徒臆說。隨順契經。以四悉檀明位。無妨還約七種。以明階位。謂十信。十住。十行。十向。十地。等覺。妙覺。今於十信之前。更明五品之位。一隨喜。二讀誦。三講說。四兼行六度。五正行六度。具在全本。尋之。麤妙者。小草止。免四趣。不動不出。中草雖復動出。智不窮源。恩不及物。上草雖能兼濟滅色爲拙。小樹雖巧。功齊界內。故其位皆麤。大樹實位。同緣中道。皆破無明。俱有界外功用。而別教從方便門。曲徑紓廻。所因處拙。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

其位猶麤圓教直門是故爲妙。開顯者若破三顯一。相待之意可得如前。若卽三是一。絕待之意義則不爾。何者。昔權蘊實如華舍蓮。開權顯實如華開蓮現離此華已。無別更蓮。離此麤已。無別更妙。何須破麤往妙。但開權位。卽顯妙位也。開生死麤心者。明凡夫有反復易發菩提心。生死卽涅槃。無二無別。卽麤是妙也。若始從凡夫發析體別圓四心者。亦是初心。皆是因緣所生心。卽此因緣。卽空。卽假。卽中。與圓初心。無二無別。若開六度權位行者。檀卽因緣生法。卽空。

卽假卽中。開檀得見佛性。乃至般若亦如是。方便聲聞未入位者。開顯亦如是。三藏斷結位。若未開顯。永無反復。如焦穢無芽。今開析空。卽假卽中。次開通教。二乘菩薩亦如是。出假菩薩位者。決了此假。假即是中。開別十信位者。同前。開十住同二乘。開十行同出假。開十迴向。伏無明位。卽此而中。若登地之位。不決了者。祇是拙度之位。今決此權。令得顯實。若決諸權。或按位妙。或進入妙。無麤可待。同成一妙。第五三法妙者。斯乃妙位所住之法。卽三軌也。軌名軌範。還

是三法可軌範耳。一真性軌。二觀照軌。三資成軌。名雖有三。祇是一大乘法也。大經云。佛性者。亦一。非一。非一。非非一。亦一者。一切衆生悉一乘故。此語第一義諦。非一者。如是數法故。此語如來藏。非一。非非一者。數非數法不決定故。此語第一義空。祇是一法。亦名三耳。故不可單取。不可複取。不縱不橫。而三而一。前明諸諦若開若合。若麤若妙等。已是觀照軌相。前明諸智若開若合。若麤若妙等。已是資成軌相。前明諸行若開若合。若麤若妙等。已是資成軌相。前明諸

位。祇是修此三法所證之果。今重說有三義。一者前境智行。是因中所乘之三軌。今明乘是大乘。已至道場。證果所住之三軌也。二者前作境智等名別說。今作法名合說。三者前直爾散說不論本末。今遠論其本。卽是性德三軌。亦名如來之藏。極論其末。卽是修德三軌。亦名秘密藏。本末含藏一切諸法。從性德之三法。起名字之三法。因名字之三法。修觀行之三法。發相似之三法。乃至分證之三法。究竟之三法。自成三法。化他三法。爲是義故。應重說也。歷四教各論三

法者。三藏中。以無爲智慧名觀照軌。正爲乘體。助道成乘。具名資成軌。正助之乘。斷惑入真。真是真性。軌教來詮。此故以教爲乘。緣覺亦爾。菩薩以無常觀爲觀照。功德肥爲資成。坐道場斷結見真爲真性。此教誣真。乘是教乘。從三界中出。到薩婆若中住。言教已盡。故無教乘。真不能運。故證非乘。故有索車之意。二通教以真性軌爲乘體。何以故。卽色是空。事中有理。此理卽真。故爲乘體。以卽空慧爲觀照。衆行爲資成。此教證真。乘是教乘。從三界出。到薩婆若中住。菩薩

出三界已。用行爲乘。淨佛國土。教化衆生。乃至道場方可名住。亦是有教無人。無誰住者。亦是教謝證寂。無復運義。亦有索車之意。三明別教三法者。以緣修觀照爲乘體。諸行是資成。以此二法爲緣修智慧。慧能破惑顯理。理不能破惑。理若破惑。一切衆生悉具理性。何故不破。若得此慧。則能破惑。故用智爲乘體。故大經云。無爲無漏名。菩薩僧。卽是一地。二地乃至十地智慧名。智慧莊嚴。以此智慧通運十地。故爲乘體。四明圓教三法者。以真性軌爲乘體。不僞名真。不

改名性。卽正因常住諸佛所師謂此法也。一切衆生亦悉一乘。衆生卽涅槃相不可復滅。涅槃卽生死無滅不生。故大品云。是乘不動不出節此乘也。觀照者祇點真性寂而常照。便是觀照。卽是第一義空。資成者祇點真性法界。含藏諸行無量衆具。卽如來藏。三法不一不異。如點如意珠中。論光論寶。光寶不與珠一。不與珠異。不縱不橫。三法亦如是。亦一。亦非一。亦非一。非非一。不可思議之三法也。若迷此三法。卽成三障。一者界內界外塵沙障。如來藏。二者通別見思。

障第一義空。二者根本無明障。第一義理。若卽塵沙障。達無量法門者。卽資成軌得顯。若卽見思障。達第一義空者。觀照軌得顯。若卽無明障。達第一義諦者。真性軌得顯。真性軌得顯。名爲法身。觀照得顯。名爲般若。資成得顯。名爲解脫。此兩卽是定慧莊嚴。莊嚴法身。法身是乘體。定慧是衆具。下文云。其車高廣。衆寶莊校。是名圓教。行人所乘之乘。到薩婆若。過荼毘。無可說。自行運畢。運他不休。故言佛自住大乘。如其所得法。定慧力莊嚴。以此度衆生。卽其義也。麤妙者。

三藏於有爲福德論三法爲乘四念處是聞慧乘於教乘到四善根四善根乘於行乘到見諦見諦乘於證乘到無學既是權法出三界外以真爲證證則不運不見實乘三法皆麤通教卽空慧三法爲乘巧餘意大同別教以資成資於觀照觀照開於真性三法爲乘十信乘教十住乘行十地乘證到妙覺薩婆若中住緣修成卽謝惟真修在資成在前觀照居次真性在後此三豎別縱非大乘此三並異橫非大乘是方便法是故爲麤圓教點貢相爲第一義空名空爲

縱第一義空卽是實相實相不縱此空豈縱點實相爲如來藏名之爲橫如來藏卽實相實相不橫此藏豈橫故不可以縱思不可以橫思故名不可思議法卽是妙也祇點空藏爲實相空藏縱橫實相那不縱橫祇點空爲如來藏空旣不橫藏那得橫點如來藏爲空藏旣不縱空那得縱點實相爲空藏實相非縱非橫空藏亦非縱非橫宛轉相卽不可思議故名爲妙祇點如來藏爲廣點第一義空爲高故言其車高廣如來藏卽實相故其車非廣第一義空卽實相故

其車非高祇實相是空。那得非高祇實相是如來藏。那得非廣。又點實相爲如來藏。故言衆寶莊校。又多僕從而侍衛之。點實相爲第一義空。故言有大白牛。肥壯多力。行步平正。其疾如風。智慧無染名爲白。能破惑故多力。中道慧名平正。入無功用。故其疾如風。不思議三法共成大車。豈有縱橫並別之異。如是教乘。不縱不橫。五品所乘。到於似解。如是行乘。不縱不橫。似解所乘。到於十住。如是證乘。不縱不橫。十住所乘。到於妙覺薩婆若中住。故名妙乘。又言是乘微妙。

清淨第一。開顯者。約大經三句也。經言。佛性亦一者。一切衆生悉一乘故。此是不動不出之一乘。故具足三法。不縱不橫。夫有心者皆備此理。而其家大小。都無知者。是故爲麤。今示衆生諸覺寶藏。耘除草穢。開顯藏經。一切無礙人。一道出生死。十方諦求。更無餘乘。惟一佛乘。是故爲妙。經言。佛性亦非一。非非一。數非數法。不決定故。若執緣修智慧定能顯理。慧自非理。則照用不明。不見佛性。是故爲麤。今開定執之慧。卽不決定慧。卽慧而理。卽理而慧。不執著數定三定。

一。不著非數非三非一。如此乃名無著妙慧。能破一切定相及不定相。亦無能破所破。如輪王能破能安。如日除暗生物。如醫除膜養珠。即是大乘不縱不橫之妙慧也。經言佛性亦非一。說三乘故。即是三乘五乘七乘等諸方便乘。若住諸乘。但是事善及以偏真。通入處近是故爲麤。今若決了諸乘。即是如來藏藏名佛性。從人天善乃至別乘。皆不動本法。即是於妙當知三句攝。一切法無非佛性。悉皆是妙。無麤可待。卽絕待妙也。始終者。不取五品教乘爲始。乃取凡地。

一念之心。具十法界。十種相性。爲三法之始。何者。十種相性。祇是三軌。如是體。卽真性軌。如是性。以據內。卽觀照軌。如是相。以據外。卽福德資成軌。方者。了因。是觀照軌。作者萬行精勤。卽是資成。因者。習因。屬於觀照。緣者。報因。屬資成果者。習果。屬觀照。報者。習報。屬資成本末等者。空等。卽觀照。假等。卽資成。中等。卽真性。直就一界。十如論於三軌。今但明凡心。一念。卽俱十法界。一一界。悉有煩惱性相。惡業性相。苦道性相。若有無明煩惱性相。卽是智慧。觀照性相。

何者。以迷明故。起無明。若解無明。卽是於明。大經云。無明轉卽變爲明。淨名云。無明卽是明。當知不離無明而有於明。如冰是木。如水是冰。又凡夫心一念卽具十界。悉有惡業性相。祇惡性相。卽善性相。由惡有善。離惡無善。翻於諸惡。卽善資成。如竹中有火性。未卽是火事。故有而不燒。遇緣成事。卽能翻惡。如竹有火。火出還燒竹。惡中有善。善成還破惡。故卽惡性相。是善性相也。凡夫一念。皆有十界識名色等苦道性。本迷此苦。

道生死浩然。此是迷法身爲苦道。不離苦道。別有法身。如迷南爲北。無別南也。若悟生死。卽是法身。故云苦道性相。卽是法身性相也。夫有心者。皆有三道性相。卽是三軌性相。故淨名云。煩惱之儔爲如來種。此之謂也。若言如是力。如是作者。菩提心發也。卽是真性等萌動。如是因者。卽是觀照萌動。如是緣者。卽是資成萌動。如是果者。由觀照萌動成習因。感得般若習果滿也。如是報者。由資成萌動爲緣。因感得解脫報果滿也。果報滿故。法身亦滿。是爲三德究竟滿名。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

秘密藏。本末等者。性德三軌冥伏。不縱不橫。修德三
軌彰顯。不縱不橫。冥伏如等數等妙等。彰顯如等數
等妙等。故言等也。亦是空等假等中等。類通者。前以
三軌之法從始至終。即是豎通無礙。今欲橫通諸法。
悉使無礙。類通諸三法。何者。赴緣名異。得意義同。粗
通十條餘者可領。三道三識三佛性三般若三菩提。
三大乘三身三涅槃三寶三德。諸三法無量止用十
者。舉其大要。明始終耳。三道輪迴生死本法故爲初。
若欲逆生死流。須解三識。知三佛性。起三智慧。發三

菩提心。行三大乘。證三身。成三涅槃。是三寶利益一
切化緣盡。入於三德住秘密藏。類通三道者。真性軌
卽苦道。觀照軌卽煩惱道。資成軌卽業道。六卽五云
三識者。菴摩羅識。卽真性軌。阿梨耶識。卽觀照軌。阿
陀那識。卽資成軌。三佛性者。真性軌。卽正因性。觀照
軌。卽了因性。資成軌。卽緣因性。三般若者。真性是實
相般若。觀照是觀照般若。資成是文字般若。三菩提
者。真性卽實相菩提。觀照卽實智菩提。資成卽方便
菩提。三大乘者。真性卽理乘。觀照卽隨乘。資成卽得

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

乘三身者。真性卽法身。觀照卽報身。資成卽應身。三涅槃者。真性卽性淨涅槃。觀照卽圓淨涅槃。資成卽方便淨涅槃。一體三寶者。真性卽法寶。觀照卽佛寶。資成卽僧寶。三德者。真性卽法身德。觀照卽般若德。資成卽解脫德。若三德縱橫。卽麤不縱不橫卽妙。已上皆約六卽。云此五番明妙。從因至果以辨自行妙半如意珠竟。

妙法蓮華經玄義節要卷上

妙法蓮華經玄義節要卷下
天台智者大師說
章安尊者灌頂記

萬益比丘智旭節

第六明感應妙者。上來四妙。名爲圓因。三法秘藏。名爲圓果。境妙究竟顯名。毘盧遮那智妙究竟滿名。盧舍那行妙究竟滿名。釋迦牟尼三佛不一異。不縱橫故。名妙果。果智寂照有感必彰。故明感應妙也。感屬於機。機有三義。微義關義。宜義應屬於聖。亦有三義。赴義對義。應聲義。若微釋機赴釋應卽世界悉檀也。

關釋機。對釋應。卽對治悉檀也。宜釋機應。釋應。卽爲人第一義。二悉檀也。生事善是爲人生。理善是第一義。約善惡明機。相約慈悲論應。相通論。三世善惡皆得爲機別論。但取未來善惡以爲正機。何者。過去已謝。現在已定。祇爲拔未來惡。生未來善耳。畧言爲四一冥機冥應。若過去善修三業。現在未運身口。藉往善力。名爲冥機。雖不現見靈應。而密爲法身所益。不見不聞。而覺而知。是爲冥益。二冥機顯應。過去植善冥機已成。便得值佛聞法。現前獲利。是爲顯益。如佛

初出世。最初得度之人。現前何嘗修行。諸佛照其宿機。自往度之。卽其義也。三顯機顯應。現在身口精勤不懈。而能感降。如須達長跪佛。往祇洹月蓋。曲躬聖居門闈。乃至行人道場。禮懾能感靈瑞也。四顯機冥應。如人雖一世勤苦。現善濃積。而不顯感。但冥有其利。若解四意。一切低頭舉手。福不虛棄。終日無惑。終日無悔。設見喜殺長壽。好施貧乏。不生邪見。若不解此者。謂其徒功喪計。憂悔失理。釋論云。今我疾苦皆由過去。今生修福報在將來。正念無僻。得此四意也。

略舉四句如此。若具足辨者。用四機爲根本。所謂冥機顯機亦冥亦顯機。非冥非顯機冥是過去。顯是現在。冥顯是過現。非冥非顯是未來。於一句中復爲四句。所謂冥機冥應。冥機顯應。冥機亦冥亦顯應。冥機非冥非顯應。餘三機亦如是。成十六句。機既召應。應亦有十六句。一機而感四應。一應而赴四機。機應各爲十六合成三十二句。就前根本四句便是三十六句機應也。又約一人。身業機具三十六。三業即有一百八機。約三世三業則有三百三十四。一界既爾。十

法界卽有三千二百四十機應不同。自行既爾。化他亦然。合六千四百八十機應。若就十界交互。則增九倍。都六萬四千八百機應也。麤妙者。機有麤妙。且如阿鼻得其十機。九界機爲麤。佛界機爲妙。餘倒可知。應有麤妙。三藏通教等聖。但是作意神通。無常住本約。何起應。若別接通別惑。未斷亦不得應。縱令赴物。皆名麤應。若別圓兩教初心伏惑。未能有應。初地初住。三觀現前。證二十五王三昧。法身清淨。無染如虛空。湛然應一切。無思無念隨機卽對。如月現百水鏡。

寫千像。是名妙應。開顯者。若九界機麤。佛界機妙。未得法身應麤。得法身應妙者。諸大乘經華嚴等明麤妙相隔。二乘不聞不解。如痘如壘。無量義經明麤妙從一理出生。無量麤妙機應。一理爲妙。出生無量爲麤。此則從妙出麤。隔而未合。今經無量還爲一。此則開權顯實。祇麤是妙。何者。本顯一理。作諸方便。方便卽是真實。故云。凡有所作。惟爲一事。未曾暫廢。譬如三草二木。祇是一地所生。卽是同源機一。一雨所潤。卽是同受應一。愚者未解。謂草木四微。永非是地。智者了達四微。生祇是地。變四微滅。祇是地還。豈有草木而非於地耶。此卽開權而顯實。決了聲聞法是諸經之王。九法界機皆佛界機。四聖之應。無非妙應也。釋籤云。觀心感應妙者。境如感知。智如應。境智和合。卽感應道交。具如止觀。煩惱境中諸法般若三十六句。智照於境。一十六句。如四應赴機。境發於智。一十六句。如四機感應。應中一切智如冥。道種智如顯。兩智並爲亦冥亦顯。一切種智如非冥非顯。境中真境如冥。俗境如顯。兩境如亦冥亦顯。第一義如非冥非顯。

沙文節要下
四

者了達四微。生祇是地。變四微滅。祇是地還。豈有草木而非於地耶。此卽開權而顯實。決了聲聞法是諸經之王。九法界機皆佛界機。四聖之應。無非妙應也。釋籤云。觀心感應妙者。境如感知。智如應。境智和合。卽感應道交。具如止觀。煩惱境中諸法般若三十六句。智照於境。一十六句。如四應赴機。境發於智。一十六句。如四機感應。應中一切智如冥。道種智如顯。兩智並爲亦冥亦顯。一切種智如非冥非顯。境中真境如冥。俗境如顯。兩境如亦冥亦顯。第一義如非冥非顯。

境之與智不出色心。色心淨故般若亦淨。色心祇是三業。三業爲境。用智觀之。是故亦可對前三業機感。又三諦之境。不出十界。界必交互及以自他。故亦對前十界自他。故知觀心感應義足。第七神通妙者。前論機應止是辨其可生可赴之相。若正論化用。益他卽是三輪不思議化。謂身輪。口輪。他心輪。普門品但有二文。而兼得三意。遊於娑婆世界。卽身輪。而爲說法。卽口輪。如見蓮華大。知池水淡。若見說法大。則知智慧大。故兩輪兼示他心輪也。示身輪者。卽是示

藥樹王身。如意珠王身。示口輪者。卽是示毒鼓。天鼓。此是慈悲熏於身口。則有一身示現。二鼓宣揚。若示心輪。卽是隨自意隨他意等。亦是同於病行嬰兒行也。上辨機感相關。而妙理難顯。應須神通發動。現於瑞相。密表乎理。稱神通者。瓔珞云。神名天心。通名慧性。天然之性。通達無礙。地持云。神謂難測。知通謂無壅礙。天心。卽是難測知義。慧性。卽是無壅礙義。不同者。鬼道報得通。人能服藥亦得通。外道依根本禪亦發通。諸天報得通。二乘依背捨勝處。一切處修十四

變化發得神通。六度菩薩因禪得五通。坐道場時能得六通。通教菩薩因禪得五通。依體法慧得無漏通。別教地前依禪發五通。登地正發無漏通。任運常照不以二相見諸佛土。圓教通者。依今經及普賢觀。以鼻舌兩根以爲六數。他心宿命。入意根攝。六根之通不依事禪而發。此乃中道之真。真自有通。任運成就。名無記化化禪。不別作意。故名無記。任運常明。如阿修羅琴。化復作化。故言化化。中道真通。任運如此。與餘通異。論其修習皆緣實相常住之理。文云。得是常。

眼根清淨。央掘云。所謂彼眼根於諸如來常。具足無減修。了了分明見。乃至耳鼻舌身意皆於諸如來常。具足無減修。了了分明聞知等。彼者。於佛爲自。於衆生爲彼。衆生謂爲無常。於如來是常也。依禪而修。名爲減修。依實相修。名無減修。不見佛性。名不了了見。若見佛性。名了了見。又見實相理。名了了識。法界事。名分明也。見有二種。一相似見。如六根清淨中辨。二真見。如華嚴所明佛眼耳鼻舌身意也。此經中亦明。真身通相。所謂普現色身。不一切衆生所喜見身。卽

是外身通也。現身如瑠璃。十方諸佛悉於中現。卽是內現身通。餘根內外示現亦可例知。是則圓教神通異於前辨。然神通度物。非但變已身同其正報。亦變已國土同其依報。如瓔珞云。起一切國土應。一切衆生應也。應同正報者。卽是示爲十法界像。應同依報者。卽是同十法界所依處也。若應同四惡趣身者。用觀惡業慈悲薰無記化化禪。應作地獄等形。乃至修羅等像。各各皆見同其事業。若應人天身者。是用觀善業慈悲薰無記化化禪。作善道身乃至各見同其

事業。若應作三藏二乘者。用析空慈悲薰無記化化禪。起老比丘像。共僧布薩等。若應通教者。用卽空慈悲薰。應別教者。用卽假卽中慈悲薰。應圓教者。用卽中慈悲薰無記化化禪。乃至各見同其事業。如是應同正報不可稱記。可以意知不可言盡。若得此意。往望五味教中。乳教所用神力。若多若少。但表兩意。一麤一妙。三藏用神力。若多若少。但爲一麤。方等三麤一妙。般若二麤一妙。此經惟爲一妙。所以序品中瑞相有十。咸皆表妙。地皆嚴淨。表理妙。放眉間光表智。

妙。入於三昧。表行妙。天雨四華。表位妙。旃檀香風。表乘妙。四衆咸有疑。表機見萬八千土。表應此二。是感應妙。地六種震動。表神通妙。天鼓自鳴。及爲說法。表說法妙。天龍大衆歡喜。表眷屬妙。又見佛子種種修行。表利益妙。若應同依報者。有兩意。若國土苦樂。由於衆生非佛所作。佛但應同而已。若作折伏攝受者。佛鑒機緣。或作苦國。或作樂國。苦樂由佛不關衆生。初意可知。若作伏攝義者。佛以觀惡慈悲與無記化化禪合。起於穢國。折伏攝受四趣衆生。乃至以卽

中慈悲與無記化化禪合。或起淨國。或起穢國。折伏攝受圓教菩薩衆生。如是種種轉變爲國不同。皆由如來神力轉變。今將此依正轉變。待三教作意。神通悉名爲麤。又就無記化化禪所作神變。自論麤妙。若爲九界衆生。用方便神力作淨作穢。若廣若狹。悉名爲麤。若爲佛界衆生。用真實神力作淨作穢。若廣若狹。悉名爲妙。如經放眉間光照萬八千土。及三變土田。比餘經神力。何足爲多。但爲開發大事。故言妙也。約五味論麤妙可知。又諸經妙同麤異。麤有二種。一

難轉麤。二易轉麤。易轉者於諸經中已得爲妙。難轉者。今於法華無復兩麤。但有一妙。惟一大佛事因緣。曾無他事。假同九界神通。衆生自謂他事。於佛常是佛事。客作自謂賤人長者審知是子。此卽相待神通妙也。又諸經諸麤神通隔妙神通。今經皆開權顯實同妙神通。是名絕待明妙。第八說法妙者。諸法不可示言辭相寂滅。有因緣故亦可說示。前藥珠二身先以定動。今毒天二鼓後以慧拔演說一乘。無三差別。皆悉到於一切智地。其所說法音實不虛。是故次

說法妙。卽爲六意。一釋法名。二分大小。三對緣同異。四判所詮。五明麤妙。六明觀心。釋法名者。一修多羅此云法本。亦云契經。亦云線經。諸經中直說者是。二祇夜。此云重頌。諸經中偈四五七九言句。少多不定。重頌上者是也。三和伽羅那。此云授記。說三乘六趣九道劫數當得作佛。若後爾所歲當得聲聞支佛。乃至當受六趣報。皆名授記。四伽陀。此云不重頌。亦略言偈。四五七九言等。四句爲頌。如此間詩頌。五優陀那。此云無問自說。或理深意遠。無人能問。或非不可

問。但聽者宜聞。佛爲不請之師。不待問自說也。六尼陀那。此云因緣修多羅中。有人問故爲說是事。毘尼中。有人犯是事故。結是戒。一切佛法緣起事。皆名尼陀那。七阿波陀那。此云譬喻。與世間相似柔軟淺語。八伊帝目多伽。此云如是語。即是結句。言我先許說者。今已說竟。亦云本事。說諸弟子本事因緣九闍陀伽。此云本生。說佛本曾爲師子等。十毘佛略。此云方廣。爲得阿耨三菩提故說也。十一阿浮陀達磨。此云未曾有。如佛現種種神力。放光動地等。衆生怪未曾記。荊無問自說廣經。又有人言。大乘九部。除因緣譬喻論義。大乘根利。不假此三。斯亦別論。通語大乘。何得無此三耶。有經言。小乘但讓廣經一部。大乘說如來是常。一切衆生皆有佛性。正理爲方。包富爲廣。又

理融無二。亦名爲等。聲聞中所無。但十一部。應知通有十二。爲緣別說。或讓三。或讓一。以判大小耳。三對緣同異者。緣卽衆生。皆有十界根性熟者。先感佛知。成熟未成熟者。應不失時。若衆生解脫緣未熟。不可全棄。對此機緣。止作人天乘說。不作修多羅等名。若衆生有小乘根性。對此機說。通則十二。別則或九或十一。若衆生有菩薩機者。不作別說。但明十二部經。又藏教直對三法界。別說或九或十一。通教對四法。界通說十二部法。別教對兩法界通說十二部法。圓

教對一法界通說十二部法。前以無記化化禪與諸慈悲合。示現身輪。或爲國師道士儒宗父母兄弟。乃至猿猿鹿馬同事利益。不可稱說。今口輪說者。例如前用諸慈悲。熏無記化化禪種種不同。百千萬法。不可說。不可說法。藏不可窮盡。雖復無涯。以十二部往收罄。無不盡也。四明所詮。如四教義說。五明麤妙者。若對六道衆生說人天乘。此詮有爲能詮。所詮俱麤。若對鈍根三藏詮。生滅四諦理。亦能所俱麤。通教體法。能詮雖巧。所詮亦麤。別教能詮爲麤。所詮中道爲

妙圓教能所俱妙。歷五味可知。又諸經詮妙與法華不異。而帶麤詮。麤詮不得合妙。是故爲麤法華不爾。佛平等說。如一味雨。正直捨方便。但說無上道。純是一詮。又云。昔毀告聲聞。而佛實以大乘教化。又云。汝等所行是菩薩道。此則融麤令妙。如此兩意異於衆經。是故言妙。復有本地圓說。諸經所無。在後當廣明。又就此經明妙十二部者。修多羅名直說。今經直說中道佛慧。不說六道三乘等法。故直說妙。重頌長行中道之說。故祇夜妙。龍女獻珠。喜見說偈。皆孤然特

起。明成佛事。歎佛妙容。故伽陀妙。二萬佛所教無上道。不教餘事。卽本事妙。十六王子。卽本生妙。結緣覆講。大乘繫珠。不論人天小乘等緣。故因緣妙。天華地動。二眉間光。三變土田等。是未曾有妙。經題以法譬爲名。譬於開三顯一。不譬餘事。卽譬喻妙。身子問佛。佛答諸佛智慧門。龍女智積問答論法華事。卽提舍妙。文云。無問而自說。稱歎所行道。從三昧安詳而起。告舍利弗。說佛智慧。又宿世因緣。吾今當說。卽無問妙。授三根佛記。皆安住實智中。爲人天所敬。卽授記。

妙。其車高廣。智慧深遠等。卽方廣妙。當知此經。十二意足而皆是妙。此卽待麤明說法妙也。開顯者。昔二十一九部不說實者。今無別實異。昔不實者。但言廣。不明理廣。今開言廣。卽理廣也。開昔之異。顯今之同。卽絕待明說法妙。第六欠觀心。釋籤云。應用觀心。十二部經別有小卷流行者是。第九眷屬妙者。無說則已。說必被緣。緣卽受道人也。已受道故。卽成眷屬。譬如父母遺體。攬此成身。得爲天性。天性親愛。故名眷。更相臣順。故名屬。行者亦爾。受戒之時。說此戒。

法授於前人。前人聽聞。卽得發戒。師弟所由生也。禪亦如是。授安心法。如教修行。卽得發定。是爲我師。我是弟子。慧亦如是。說諸法門。轉入人心。由法成親。親故信。信故順。是名眷屬也。他土餘根。皆利隨所用塵起之。令從得益。此土耳根利故。偏用聲塵。故二萬佛時教無上道。十六王子。覆講法華。從是已來。值爲眷屬。世世與師俱生。或人天眷屬。或三乘眷屬。或一乘眷屬。故次說法之後。明眷屬妙。眷屬五種。一理性眷屬。二業生眷屬。三願生眷屬。四神通生眷屬。五應生

眷屬。一理性眷屬者。衆生如佛如。一如無二。如理性相關。任運是子。故云衆聖中尊。世間之父。一切衆生皆是吾子。不關結緣。不結緣也。二業生眷屬者。昔以方便。結藏等四緣。若信。若謗。因倒因起。雖復得度。未度。皆是眷屬。今三藏佛。於分段國出家成道。其未度者來牽分段爲親。爲中爲怨。三類受道得出生死。三願生眷屬者。先世結緣。雖未斷苦。願生內眷屬中。或怨家等。因之得道。四神通眷屬者。若先世值佛發真見諦。生猶未盡。或在上界。或在他方。今佛於分段作

佛。或以願力。或以通力。來生下界。爲親。爲中。爲怨。輔佛行化。斷餘殘惑。而出三界。願通云何異。約自報力。名神通。約教名誓願。神通生者。本受報處。猶有報身。以身通力。分形來此。若願生者。報處無身。願力下生耳。五應生眷屬者。無明先破。已得法身之本。能起應入生死。其意有三。一爲熟他。二爲自熟。三爲本緣。若別說者。業生在分段。願生通生在方便。應生在寂光通論一處。具有四種。如實報已得法身。能起應作四種眷屬。就圓結緣者。雖未斷惑。自有三種眷屬。就得

道者。卽是四也。別眷屬亦四可知。通藏結緣三種可知。雖無應來之應得論。感應之應就所應得名。四義宛足。麤妙者。若三藏根性眷屬。此性下劣。昔結此緣。緣亦淺小。中間以法成熟。成熟蓋少。若來生佛國。作內外眷屬業願通等。乃至應來影嚮三藏佛者。皆麤眷屬也。通別根性乃至内外。雖巧別有異準例。皆麤。此經說諸衆生。悉是吾子。非客作人。是理性眷屬妙。往昔覆講結緣繫珠。中間成熟今得授記。所謂結緣妙。成熟妙。業生妙。願生妙。應生妙。內眷屬妙。外眷屬

妙。能受妙道。影嚮妙事。是故稱妙。約五味相待明妙。可知開顯者。諸經明麤眷屬皆不見佛性。今法華定天性。審父子。非復客作。故常不輕淡得此意。知一切衆生正因不滅。不敢輕慢。於諸過去佛。現在若滅後。若有聞一句。皆得成佛道。卽了因不滅。低頭舉手。皆成佛道。卽緣因不滅也。一切衆生。無不具此三德。卽是開麤顯妙。絕待明眷屬妙也。又法門眷屬者。如淨名云。方便爲父。智度爲母。法喜爲妻。慈悲爲女。善心誠實爲男等。歷四教分別不同。可以意得。觀心具在。

全帙尋之 第十功德利益者。一而無異。若分別者
 自益名功德益他名利益。此爲四。一來意。二正說中
 利益。三流通中利益。四觀心中利益。一來意者。諸佛
 所爲未嘗空過。現形說法。四種眷屬皆沾七益。二正
 說中利益復爲三。先論遠益。次論近益。三論當文益。
 遠益者。卽是大通佛所。十六王子助化宣揚。雙擊毒
 天二鼓。善生有淺深。惑死有奢促。始人天善終至大
 樹。淺益也。始初心最實。終後心最實。深益也。始破不
 善。終破塵沙。奢死也。始破無明。終亦破無明。促死也。

惑死。奢促。是毒鼓力。善生。淺深。是天鼓力。略說益相
 為七。一二二十五有果報益。亦名地上清涼益。二二十
 五有因華開敷益。亦名小草益。三真諦三昧析法益
 亦名中草益。二俗諦三昧五通益。亦名上草益。五真
 諦三昧體法益。亦名小樹益。六俗諦三昧六通益。亦
 名大樹益。七中道王三昧益。亦名最實事益。二十五
 有因果益。堪爲業生眷屬。真諦三昧體析益。堪爲願
 生眷屬。俗諦三昧五通六通益。堪爲神通眷屬。中道
 王三昧益。堪爲應生眷屬。又廣開爲十益。一果益。二

因益。三聲聞益。四緣覺益。五六度益。六通益。七別益。八圓益。九變易益。十實報益。具如全帙委明尋之。近益者。起於寂場始成正覺。卽轉法輪擊於毒天二鼓。利益衆生。齊至法華已前。益亦淺深。死亦奢促。亦具十益如前說。三當文利益。就今經備有七益。雖復差別。卽無差別。如芽莖枝葉。生長不同。而是一地所生。七益誠復淺深。無非實相。故言差別無差別也。諸經差別麤益。同入此經無差別益。或進入諸妙益。或按位成妙益。三明流通中利益者。弘通行人。具通凡聖。

若法身菩薩。誓願莊嚴。令此土他土下土上土得權實七益。九益十益。化功歸已。還資法身增道損生。若生身菩薩。亦能此土他土弘經。令他得權實七益。化功歸已。增道損生。而不能上土利益。若凡夫之師。亦能此土弘經。令他得權實七益。化功歸已。增益品位。然通經方法。明出聖言。文云。若衆生不信受者。當於餘深法中示教利喜。又云。更以異方便助顯第一義。今時人弘法。或一向用大。或一向用小。皆不得佛意。善弘經者。用與適時。口雖說權。而內心不違實法。但

使衆生得權實七益於弘經暢矣。然流通利益不待第三流通段方明。祇正說文中已指未來弘經之利。譬喻品後授記品末法師品中皆明弘經功德利益。四觀心中利益者。小乘明心起未動身口。不名爲業。大乘明刹那造罪殃墜無間。無間是大苦報處。刹那促起業處。促心暫起重業已成。况九法界而不具足。若能淨心諸業即淨。淨心觀者謂觀諸心悉是因緣生法。卽空卽假卽中。一心三觀以是觀故。知心非心。心但有名。知法非法。法無有我。知名無名。卽是我等。

知法無法。卽涅槃等。此解起時。於我我所如雲如幻。即是地上清涼益。信敬慚愧諸善心生。於空假中。意而有勇。即是因益。念念與卽空相應是中上草小樹等益。念念與卽假相應是大樹益。念念與卽中相應是最實事益。第四廣釋十妙竟。第五結成權實者。照十麤之境爲權。照十妙之境爲實。十麤者卽前九法界三因緣等諸麤諦智乃至麤利益皆稱權也。照十妙者卽是理妙乃至利益妙。妙故爲實。復次爲十妙故。開出十麤。如爲蓮故華。意在於蓮。而蓮隱不現。

於餘漢法。示教利喜。餘法有實而實不顯。文云。如來方便意趣難解也。又華開蓮現譬開十麤顯十妙。則無復十麤。惟一大事不可思議。境界乃至利益。若約五味四悉四門具如全帙。當知諸教雖同有權實。權實不同。或一向實。或一向權。或權實相兼。皆是稱當機情緣理未融。今總就教判權實。藏通別三教。是權圓教爲實。又諸教權實未融。爲權旣融。開權顯實爲實。今法華是一圓教爲實。又開權故爲實。若就圓教爲語。照前三教三十麤爲權。照十妙爲實。若就開權

圓融爲語。決三十麤皆成妙。但稱爲實。是故稱妙。若取悟理者。理則非權。非實。不見一法。空拳詐小兒。說權說實。是則爲麤。理則非權。非實。是故爲妙也。第二約本門明十妙者爲二。先釋本迹。二明十妙。釋本迹爲六。本者理本。卽是實相。一究竟道。迹者除諸法實。相其餘種種。皆名爲迹。又理之與事。皆名爲本。說理說事。皆名教迹。又理事之教。皆名爲本。栗教修行爲迹。如人依處。則有行跡。尋跡得處也。又行能證體。體爲本。依體起用。用爲迹。又實得體。用名本。權施體

用名迹。又今日所顯者爲本。先來已說者爲迹。約此六義以明本迹也。一約理事明本迹者。從無住本立一切法。無住之理。卽本時實相真諦也。一切法。卽本時森羅俗諦也。由實相真本垂於俗迹。尋於俗迹。卽顯真本。本迹雖殊。不思議一也。故文云。觀一切法空如實相。但以因緣有從顛倒生。二理教明本迹者。卽是本時所照二諦。俱不可說。故皆名本。昔佛方便說之。卽是二諦之教。教名爲迹。若無二諦之本。則無三種之教。若無教迹。豈顯諦本。本迹雖殊。不思議一。文

云。是法不可示言。辭相寂滅。以方便力。故爲五比丘說。三約教行爲本迹者。最初稟昔佛之教。以爲本。則有修因致果之行。由教詮理而得起行。由行會教而得顯理。本迹雖殊。不思議一。文云。諸法從本來。常自寂滅相。佛子行道已來。世得作佛。四約體用名本迹者。由昔最初修行辨理。證於法身爲本。初得法身本故。卽體起應身之用。由於應身。得顯法身。本迹雖殊。不思議一。文云。吾從成佛已來。甚大久遠。但以方便教化衆生。作如此說。五約權實明本迹者。實者。最初

久遠實得法應一身。皆名爲本。中間數數唱生唱滅。種種權施法應二身。皆名爲迹。非初得法應之本。則無中間法應之迹。由迹顯本。本迹雖殊。不思議一。文云。是我方便。諸佛亦然。六約今已論本迹者。前來諸教已說事理乃至權實者。皆是迹也。今經所說久遠事理乃至權實者。皆名爲本。非今所明久遠之本。無以垂於已說之迹。非已說迹。豈顯今本。本迹雖殊。不思議一。文云。諸佛法久後要當說真實。若約已今論本迹者。指已爲迹。攝得釋迦寂場已來十麤十妙。悉

名爲迹。指今爲本。總遠攝最初本時諸麤諸妙。皆名爲本。若約權實名本迹者。指權爲迹。別攝得中間種種異名。佛十麤十妙。皆名爲權。指實爲本。攝得最初十麤十妙。悉名爲實。若約體用名本迹者。指用爲迹。攝得最初感應神通說法眷屬利益等五妙。指體爲本。攝得最初三法妙也。若約教行爲本迹者。指行爲迹。攝得最初行妙位妙。指教爲本。攝得最初本時智妙。若理教爲本迹者。指理爲本。攝得本初之境妙。指教爲迹。攝得本時之師教妙。兼得本師十妙。若理事

爲本迹者。指事爲迹。攝得本時諸麤境。指理爲本。攝得本時諸妙境。最初之本。仙本而非迹。最後已說。但迹而非本。中間亦迹亦本。若無本時之本。不能垂得中間最後之迹。若無已說之迹。不能顯得今說之本。本迹雖殊不思議一也。二明本十妙者。一本因妙。二本果妙。三本國土妙。四本感應妙。五本神通妙。六本說法妙。七本眷屬妙。八本涅槃妙。九本壽命妙。十本利益妙。本因妙者。本初發菩提心行菩薩道所修因也。若十六王子在大通佛時弘經結緣。皆是中間

所作。非本因也。過是塵點劫前所行道者。名之爲本因妙。本果妙者。本初所行圓妙之因。契得究竟常樂我淨。乃是本果。不取寂場舍那成佛爲本果也。但取成佛已來甚大久遠初證之果。名本果妙。本國土者。本既成果必有依國。今既迹在同居。或在三土。中間亦有四土。本佛亦應有土。復居何處。文云。自從是來。我常在此娑婆世界說法教化。按此文者。實非今日迹中娑婆。亦非中間權迹處所。乃是本之娑婆。卽本土妙也。本感應者。既已成果。卽有本時所證二十五

王三昧慈悲誓願機感相關能卽寂而照故言本感應也。本神通者亦是昔時所得無記化化禪與本因時諸慈悲合施化所作神通駭動最初可度衆生故言本神通也。本說法者卽是往昔初坐道場始成正覺初轉法輪。西辯所說之法名本說法也。本眷屬者本時說法所被之人。如下方住者彌勒不識卽本之眷屬也。本涅槃者本時所證斷德涅槃亦是本時應處同居方便二土有緣旣度唱言入滅卽本涅槃也。本壽命者旣唱入滅則有長短遠近壽命也。本利益者。

者本業願通應等眷屬八番十番饒益者是也。此十種義赴緣直說散在經文今以本因居初者必由因而致果果成故有國極果居國卽有照機機動則施化施化則有神通神通竟次爲說法說法所被卽成眷屬眷屬已度緣盡涅槃涅槃故則論壽命長短長短之壽所作利益乃至佛滅度後正像等益義乃無量止作十條收束始終復成次第也迹本同異者迹中因開而果合合習果報果爲三法妙也。本中因合而果開開習果出報果明本國土妙也。作此同異者。

依於義便。互有去取。迹中委悉明境智行位。本文語略通束爲因妙。得意知是開合耳。果妙卽是迹中三軌妙也。感應神通說法眷屬名皆同上。本開涅槃壽命妙者。久遠諸佛如燈明迦葉佛等皆於法華卽入涅槃。義推本佛必是淨土淨機。又往事已成。故開出涅槃等妙。迹中無此二義者。釋迦雖於法華唱言涅槃而未滅度。此事方在涅槃故。迹中不辨利益同上。廣釋如全帙。麤妙者。若迹中已待十麤爲麤十妙爲妙。未開十麤爲麤開十成妙。具如前說。迹中若待麤

妙若開麤妙。此妙不異本妙。而言始得。始得爲麤。本中先成若麤。若妙若開麤妙亦不異迹妙。而是先得先得稱妙。又迹中事理始得爲麤。本中事理先得爲妙。理教。教行。體用。權實等亦如是。又若未發迹顯本者。但解迹中事理之麤妙。終不能解本中之事麤。凡解本中之理妙。彌勒尚不達何況餘人。若發迹中之事理。卽顯本中之事理。亦知由本中之事理能垂迹中之事理。迹旣由本。則本妙迹麤。旣有本迹之殊。故言麤妙。妙理則非迹。非本不思議一也。理教。教行。體

用權實。已今等亦如是。權實者。照迹中十麤之境爲權。照迹中十妙之境爲實。乃至中間三世所照十麤之境爲權。十妙之境爲實。若權若實。悉皆是迹。故稱權。如是中間無量無量不可說節節權實。餘經尚無中間一審之權。况一審之實。尚無中間一審權實。況無量審。尚無中間權實。況有本地權實。中間權實皆名爲權。本初照十麤十妙。皆名爲實。迹權本實俱不思議。不思議卽是法性。法性之理。非古非今。非本非迹。非權非實。但約此法性論。本迹權實麤妙耳。但

以世俗文字有去來今。非謂菩提有去來今也。復次分別權實。則有三種。謂自行化他。自行化他。具如境妙中說。本地自行所契。權實二智。名佛自行權實。從本已來。乃至鹿苑。種種方便。隨他意語。說此二智。迴轉無方。名佛化他。權實二智。化他雖有二種。皆名爲權。自行雖亦二種。皆名爲實。是名自行化他合說。權實。復次迹中約實施。權意在於實。而實意難測。何者。化城是權。而人作實解。是不識權。亦不知實。若廢權顯實。意在於權。權則易測。何者。既知化城一事。是佛

權施則偏達恒沙佛法遠通久遠方便。故華嚴中明爲阿毘跋致多明事數。卽其義也。若開權顯實者。達事法已。權意卽息。亦不離權遠求於實。權卽是實。無復別權。故言開權顯實也。迹中旣有三意如此。迹由本垂。本亦如是。本迹雖殊。不思議一也。觀心者。本妙長遠。豈可觀心。雖不卽是。亦不離心。何者。佛如衆生如。一如無二。如佛旣觀心得此本妙。迹用廣大。不可稱說。我如如佛如亦當觀心。出此大利。亦願我如速如佛如。故文云。聞佛壽無量。淡心須臾信。其福過於

彼。願我於未來長壽度衆生。如今日世尊諸釋中之王。道場師子吼。說法無所畏。我等於未來。一切所尊敬。坐於道場時。說壽亦如是。此卽觀心本妙。得六卽利益之相。次釋蓮華者。權實難顯。借蓮華譬於妙法。又七喻文多。故以譬標題。又解云。蓮華非譬。當體得名。類如劫初萬物無名。聖人觀理準則作名。如蜘蛛引絲倣之結網。蓬飛獨運依而造車。浮槎泛流而立舟。鳥迹成文而寫字。皆法理而制事耳。今蓮華之稱。非是假喻。乃是法華法門。法華法門清淨。因果微

妙。此法門爲蓮華。卽是法華三昧當體之名。非譬喻也。餘經多自釋名。此經無解。或是其文未度耳。而此兩釋皆有道理。今融二意。利根卽名解理。不假譬喻。但作法華之解。中下未悟。須譬乃知。以易解之蓮華。喻難解之蓮華。故有三周說法。逗上中下根。約上根是法名。約中下是譬名。三根合論。雙標法譬。如此解者。與誰爲諍耶。蓋依正因果。悉是蓮華之法。何須譬顯爲鈍根人。不解法性蓮華。故舉世華爲譬。亦應何妨。然經文兩處說優曇鉢華時一現耳。此華若生輪。

王應出。若說此經。卽授佛記。此靈瑞華似蓮華故。故以爲喻。若從此意。卽是借喻。喻於妙法。夫喻有少喻。徧喻。如以月喻面。不得求其眉目。雪山况象不可覓其尾牙。今法華三昧。無以爲喻。喻此蓮華。華有多種。已如前說。唯此蓮華。華果俱多。可喻因舍萬行。果圓萬德。又餘華。麤喻九法界。十如因果。此華妙喻佛法界。十如因果。又以此華。喻佛法界迹。本兩門。各有三喻。喻迹者。一華生必有於蓮。爲蓮而華。蓮不可見。此譬約實明權。意在於實。無能知者。一華開故蓮現。而

須華養蓮。譬權中有實。而不能知。今開權顯實。意須於權。廣識恒沙佛法者。祇爲成實。使深識佛知見耳。三華落蓮成。卽喻廢三顯一。唯一佛乘。直至道場。菩薩有行。見不了了。但如華開。諸佛以不行故。見則了了。譬如華落蓮成。此三譬迹門。從初方便引入大乘。終竟圓滿也。又三譬譬本門者。一華必有蓮。譬迹必有本。迹舍於本。意雖在本。佛旨難知。彌勒不識。二華開蓮現。譬開迹顯本。意在於迹。能令菩薩識佛方便。既識迹已。還識於本。增道損生。三華落蓮成。譬廢迹

顯本。既識本已。不復迷迹。但於法身修道。圓滿上地也。此三譬本門。始從初開終至本地。二門六譬各有所擬。初重約佛界十。如施出九界十。如次重開九界十。如顯佛界十。如三重廢九界十。如成佛界十。如三譬攝得迹門。始終盡。若得此意。十二因緣。四諦。三諦等智。行位。乃至功德利益。亦用此譬譬之。第四重約本佛界十。如施出迹中佛界十。如第五重開迹中佛界十。如顯出本中佛界十。如第六重廢迹中佛界十。如成本中佛界十。如始終圓滿開合具足。是爲少分。

以蓮華爲譬也。多分喻者。從初種子乃至蓮成。喻於妙法。譬如石蓮。烏皮在外。白肉在內。四微爲質。卷荷欲生。微細衆具。開華。布鬚。蓮實。房成。初後不異。蓮華始終。十義具足。譬佛界衆。生始自無明。終至佛果。十如是法。無有缺減。總譬竟。譬如石蓮。黑則叵染。硬則叵壞。不方不圓。不生不滅。劫初無種。故不生。今不異初。故不滅。是名蓮子相。一切衆生。自性清淨心。亦如是。不爲客塵所染。生死重積。而心性不住。不動不生。不滅。即是佛界。如是相。淨名云。一切衆生。卽菩提相。

卽其義也。譬如蓮子。雖復烏皮汙泥之中。白肉不改。一切衆生。了因智慧。亦復如是。五住汙泥。生死果報。一切智願。猶在不失。是名佛界。如是性。故言煩惱。卽菩提。又諸法不生。般若生。卽其義也。譬如蓮子。在汙泥中。而四微不朽。是名蓮子體。一切衆生。正因佛性。亦復如是。常樂我淨。不動不壞。是名佛界。如是體。大經言。是味真正。停留在山草木叢林。不能覆滅。卽其義也。譬如蓮子。爲皮殼所籠。爲泥所沒。而卷荷在心。有生長之氣。一切衆生心。亦如是。雖爲苦果所縛集。

惑所沉而能於中發菩提心。甚大雄猛。如師子乳。師子筋。是名佛界。如是力。經言。若發菩提心。動無邊生死。破無始有輪。間浮人未見果。而能勇猛發心也。譬如蓮子。雖復微小。烏皮之内。具有根莖。華葉。鬚臺。衆具。頓足。是名蓮子。如是作。一切衆生初發菩提心。亦如是。明解決定慈悲誓願。上求下化。誓取成就。悉不疲退。是名佛界。如是作。華首經云。一切諸功德皆在初心中。卽其義也。譬如蓮子。根依淤泥。而華處虛空。風日照動。晝夜增長。榮耀頓足。一切衆生亦復如

是。從無明際。發菩提心。修菩薩行。出離生死。入法性中。因行成就。值於佛日。被神通風。其心念念入薩婆若海。此名佛界。如是因。經言。於無量劫所作功德。不如五莖蓮華。上然燈佛。得功德多。此是真因成就。卽其義也。譬如蓮華。鬚蘂圍繞。在華內蓮外。此名蓮華。如是緣。菩薩亦如是。於真因中。具足萬行。六波羅密。一行。一切行資助於因。如鬚在華內。若得果時。衆行休息。如鬚在蓮外。是名佛界。如是緣。經言。盡行諸佛所有道法。卽其義也。譬如蓮華。華成結蓮。而華葉零。

落臺子成實。此名蓮子如是果。菩薩亦如是。真因所感無上菩提大果圓滿。究竟成實。是名佛界如是果經言。佛子行道已來。世得作佛。卽其義也。譬如蓮實房臺包達。此名蓮子如是報。菩薩亦如是。大果圓滿無上報足。習果之果。依於報果。如實依臺。經言。如是大果報。久修業所得。卽其義也。譬如泥蓮四微處空蓮四微。初後不異。此名蓮子本末等。一切衆生亦如是。本有四德。隱名如來藏。修成四德顯名爲法身。性德修德常樂我淨。一而無二。是名佛界本末究竟等。

經言。衆生如佛如。一如無二如。卽其義也。是用蓮華譬十如境竟。次用蓮華譬十二因緣者。烏皮汙泥。水草重覆。卽是無明支。種子能生力。卽是行支。內有卷荷。牽鬚備具。卽是識。名色六入觸受支。舍潤愛取。有支團圓盤屈。不能得出。卽老死支。若能芽鋒萌動。鑽烏皮破。卽是無明滅。不復在烏皮內生。卽是諸行滅。出殼殼外。卽是老死滅。此略譬四種十二因緣也。譬四諦者。烏皮譬界內苦。白肉譬界內集。泥譬界外集。水譬界外苦。道滅可知。此通譬四種四諦也。譬二諦。

者。蓮蕪莖葉等譬俗。蓮蕪莖孔空譬真。此通譬七種二諦也。譬三諦者。真俗如前四微擬常樂我淨。譬中道第一義諦。此通譬五種三諦也。四微無生無滅。譬一實諦。劫初無生今時無滅。譬無諦無說也。用蓮華譬境妙竟。次譬九妙者。內有生性譬智妙。卷荷生性譬空智妙。鬚葉生性譬假智妙。蓮臺四微生性譬中智妙。此三生譬一心三智妙也。蓮子雖小備有根莖葉莖。譬行妙。莖卽智慧葉卽慈悲。鬚卽三昧開敷卽解脫。又葉譬三慈者。覆水青葉譬生緣慈。覆水黃葉。

譬法緣慈。倚葉譬無緣慈。倚荷若出蓮生不久。無緣慈成。得記不久。又根莖子葉利益人蜂。卽檀香氣。卽尸。生泥不辱。卽忍。增長卽精進。柔濕卽禪。不汙卽慧齊。此譬行妙也。蓮譬理卽位。芽鑽皮。麤卽位。芽出皮細卽位。鑽泥欲定位。齊泥未到位。出泥在水四禪位。禪定如水能洗欲塵處。水增長。譬無色位。齊此譬觀行蓮莖位。出水。譬破見思。相似蓮莖十信位。處空舍而欲敷。譬十住位。鬚臺可識。譬十行位。隨日開廻。譬一向位。敷舒成就。荷負蜂蝶。譬十地位。鬚葉零落。蓮

子獨在。譬休息衆行妙覺圓滿。果上無事。真常湛然。此皆譬位妙也。蓮有四微。譬真性軌。蓮房內虛莖蕩中空。譬觀照軌。臺房圍邊。譬資成軌。此譬三法乘妙也。蓮成處空影臨清水。譬顯機顯應影臨濁水。譬冥機冥應影臨風浪之水。譬亦冥亦顯機應。大經云。闇中樹影。夜影臨水。譬非冥非顯機應。此等譬感應妙也。若風搖蓮莖。東昂西倒。向南映北。下風則合。上風則開者。卽譬東涌西沒。中涌邊沒等。此譬地動瑞日暮莖合。譬入定瑞日出莖開。譬說法瑞遠望則紅。近

望則白。赤莖青葉相映輝赫。譬放光瑞流芳徧野。譬旃檀風瑞。蘂林飄颻。譬天華瑞。風雨飄灑。翻珠相榮。譬天鼓自鳴瑞。此等皆譬神通妙也。莖合未開。譬隱一乘分別說。三莖葉正開。譬會三歸一。但說一乘。莖落蓮存。譬絕教冥理。若知如來常不說法。乃名多聞。此等譬說法妙也。從一蕪邊更生一莖。展轉復生無量蓮莖。譬業生眷屬妙。從蓮房墮子在泥更生蓮莖。展轉復生無量蓮莖。譬神通眷屬妙。掘移彼蕪。採彼蓮子種於此池。蓮莖熾盛。譬願生眷屬妙。彼池飛來

如遊絲薄霧。入於此池蓮華熾盛。譬應生眷屬妙。魚鼈喻。其下蜂蝶翔集。其上譬衆生果報清涼之妙。見者歡喜。譬於因益。採用其葉。譬三草益。採用其華。譬妙小樹益。採用其蓮。譬妙大樹益。採用其蕩。譬實事益。此等譬功德利益妙也。次譬本者。譬如一池蓮華始熟。熟已墮落。投於泥水。方復生長。乃至成熟。如是展轉更生熟歲月既積。遂徧大池。華田布滿。佛亦如是。本初修因。證果已竟。爲衆生故。更起方便。在生死中。示初發心。復示究竟。數數生滅。無數百千。

本地垂應。俯同凡俗。更修五行。烏蓮更生莖葉。譬更修聖行。四微稍稍增長。譬更修天行。荷葉始生。譬更修梵行。蓮子墮泥。譬同諸惡。更修病行。蓮芽始萌。譬同小善。更修嬰兒行。如是三世益物。不可稱計。徧滿法界。無非分身。垂迹開迹。廢迹等益。若非蓮華。何由徧喻上來諸法。法譬雙辨。故稱妙法蓮華也。

次釋通名者。經一字也。梵云薩達磨。分陀利修多羅。或云修單蘭。或云修妬路。彼方楚夏。此土翻譯不

同。或言無翻。或言有翻。釋此爲五。一明無翻。二明有翻。三和融有無。四歷法明經。五觀心明經。言無翻者。彼語多舍。此語單淺。不可以單翻複。應畱本音。而言經者。開善云非正翻也。但以此代彼耳。此間聖說爲經賢說子史。彼聖稱經。菩薩稱論。既不可翻。宜以此代彼。故稱經也。而舍五義。一法本。亦云出生。二微發。亦云顯示。三涌泉。四繩墨。五結蔓。今祇作五義。不可翻於一中作三。三十五義。言法本者。一切皆不可說。以四悉檀因緣則有言說。世界悉檀說則爲教本。

爲人對治。則爲行本。第一義悉檀。則爲義本。言教本者。金口所說。一言爲本。派出無量言教。若通若別。當時被物聞。卽得道。故經言。一一修多羅復有無量修多羅。以爲眷屬。若後人不解。菩薩以佛教爲本。作通論別論。申通別經。令佛意不壅。尋者得道。良由其論有本故也。諸外道等。雖有所說。不與修多羅合。戲論無本。不能得道。經是行本者。示人無諍。法導達通塞。開明眼目。救治人病。如教修行。則起通別諸行。從此至彼。入清涼池。至甘露地。泥洹真法寶。衆生從種種。

門入。故知經是行本。經是義本者。尋一句詮於一義。尋無量句。詮無量義。或尋一句詮。無量義。尋無量句。詮於一義。若通若別。尋詮會入。故經是義本。束此三種爲法門者。教本即是聞慧。行本即是思慧。義本是修慧。見真法本之義尚已多含。故不可翻也。或言出生。例此可知。又教微發。行微發。義微發。教涌泉。行涌泉。義涌泉。教繩墨。行繩墨。義繩墨。結教如鬘。結行如鬘。結義如鬘。令不零落。具如全帙。又經者。訓常。天魔外道不能改壞。名爲教常。真正無雜。無能踰過。名爲

行常。湛然不動。決無異趣。名爲理常。又訓法者。法可軌。行可軌。理可軌。直釋訓已。舍六義。况梵言重複。而可單翻耶。二言有翻者。亦爲五一。翻爲經。經由爲義。由聖人心口。故今亦隨而釋之。謂一切修多羅。一切通別論。一切疏記等。皆由聖人心口。是名教由。一切契理行。一切相似行。一切信行。法行。皆由聖人心口。故以行爲由。一切世間義。一切出世義。一切方便義。一切究竟義。皆由聖人心口。故以義爲由。教由。世界行。由爲人對治。義由。第一義。又經者。緯義。如世絹經。

以緯織之龍鳳文章成佛。以世界悉檀說經。菩薩以世界緯織。經緯合故。賢聖文章成慧行爲經。行行爲緯。經緯合故。八正文章成。詮真爲經。詮俗爲緯。經緯合故。二諦文章成。二翻爲契者。契緣。契行。契理。三翻法本。如前釋。四翻線者。線貫持教行理。又縫教縫行縫理。五翻善語教亦是善行教。亦是善理教也。三和融有無具在全帙。四歷法明經者。舊用三種。一用聲爲經。如佛在世。金口演說。但有音聲。詮辯聽者得道。故以聲爲經。大品云。從善知識所聞也。二用色爲經。

若佛在世。可以聲爲經。今佛去世。紙墨傳持。應用色爲經。大品云。從經卷中聞。三用法爲經。內自思惟。心與法合。不由他教。亦非紙墨。但心曉悟。卽法爲經。故云修我法者。證乃自知。三塵爲經。施於此土。耳識利者。能於聲塵分別取悟。則聲是其經。若意識利者。自能研心思惟。取決法是其經。眼識利者。文字詮量而得道理色。是其經。餘三識鈍。鼻嗅紙墨。則無所知。身觸經卷。亦不能解。舌噉文字。寧別是非。若他土亦用六塵。亦偏用一塵問。根利故。於塵是經。鈍者塵則非。

經耶。答。六塵是法界體。自是經。非根利取。方乃是經。何者。大品云。一切法趣色。是趣不過。此色能詮。一切法。如黑墨色。一畫詮一。二畫詮二。三畫詮三。豎一畫。則詮王。足右畫。則詮丑。足左畫。則詮田。出上詮由。出下詮申。如是廻轉詮不可盡。或一字詮無量法。無量字共詮一法。無量字詮無量法。一字詮一法。於一黑墨小小廻轉。詮量大異。左廻詮惡。右廻詮善。上點詮無漏下點詮有漏。殺活與奪。毀譽苦樂。皆在墨中。更無一法出此墨外。畧而言之。黑墨詮無量教。無量行。

無量理。黑墨亦是教本行本理本。黑墨從初一點至無量點。從點至字。從字至句。從句至偈。至卷至部。又從點字句中。初立小行。後著大行。又從點字句中。初見淺理。後到深理。是名黑墨三種微發。乃至三涌泉。三繩墨。三結髮等。又色是白。由色故縛。有六道生死。由色故脫。有四種聖人。又色訓法。法色故能成教行。又色是常。色教不可破。色行不可改。色理不可動。又色不可翻。色義多含故。又色可翻。名色爲經故。見色經時。知色愛見。知色因緣生法。知色卽空卽假。卽

中。色卽法界。總含諸法。法界文字。文字卽空。無點無字。無句無偈。句偈文字。畢竟不可得。是名知字非字。非字亦字。墨色是經爲法本者。若於墨字生瞋。斷他壽命。若於墨字起愛。而作盜姪。乃至於墨起癡。而生邪見。當知墨字是四趣本。若於墨字生慈。生捨。乃至生正見者。是人天本。若知墨字是果報無記。無記是苦諦。於報色生染。卽集諦。知字因緣所成苦空無我。是道諦。旣知字非字。不生字倒。諸煩惱滅。卽滅諦。知字四諦能生煩頂。若向若果賢聖解脫。當知墨字是

聲聞本。若於字不了。名無明。起愛恚。是諸行。分別字好醜。是識。識於字。名名色。字涉於眼。名六入。字塵對根。名觸。領納染著。是受。纏縛。不捨。是愛。竭力推求。是取。取則成業。名有。有能牽果。是名生老病死。苦輪不息。若能知字非字。無明卽滅。不至於行。乃至不至老死。當知墨字是支佛本。若知字卽空。非滅已空。字性本空。空中無愛恚。乃至無邪正。字不可得。知字者誰。云何衆生妄生取捨。起慈悲誓願。行六度。濟衆生。入如實際。亦無衆生得滅度者。當知此字是菩薩本。若

知字非字。非字非非字。無二邊倒名淨。淨則無業。名我。我則無苦。名樂。樂則無生死。名常。何以故。字是俗諦。非字是真諦。非字非非字是一實諦。一諦即三諦。三諦即一諦。是名境本。若知墨字從紙筆心手和合而成。一字推不得一字。一點推亦不得字。則無所不得心手。即不得能。無能無所知能所誰。是一切智本。字雖非字。非字而字。從心故有點。從點有字。有句。有偈。有行。有卷。有帙。有部。有藏。從藏有種種分別。是道種智本。雖非字非非字。而雙照字非字。是一切

種智本。雪山爲八字捨所愛身。是爲行本。我解一句。乃至半句。得見佛性。入大涅槃。卽是位本。我得三菩提。皆由聞經及稱善哉。字卽乘本。若忘失句逗。還令通利。與其三昧。及陀羅尼。卽感應本。依文學通。卽神通本。依字。故得語。卽說法本。說字教他。卽眷屬本。勤學此字。祿在其中。卽利益本。如此解字。手不執卷。常演是經。口無言聲。徧誦衆典。佛不說法。恒聞梵音。心不思惟。普照法界。如此學問。豈不大哉。當知黑字是諸法本。青黃赤白。亦復如是。非字非非字。雙照字非

字不可說非不可說不可見非不可見。何所簡擇。何所不簡擇。何所攝。何所不攝。何所棄。何所不棄。是則俱是。非則悉非。能於黑色通達一切非。於一切非通達一切是。通達一切非。非是。一切法邪。一切法正。若於黑色不如是解。則不知字與非字。黃赤白青。有對無對。皆不能知。若於黑色通達知餘色亦如是。此卽法華經意以色爲經也。聲香味觸等亦復如是。文云。一切世間治生產業皆與實相不相違背。卽此意也。外入皆經周徧法界者。內入亦如是。內外入亦如

是。經云。非內觀得解脫。亦不離內觀。是則一塵達一切塵。不見一塵。一切塵通達一塵。一切塵。於一識分別。一切識亦不見一識。一切識而通達一識。一切識自在無礙。平等大慧。何者是經。何者非經。若欲細作於一塵識。例可解。有翻無翻。以三義織之後。用三觀結之。歷諸教分別經者。若言理絕文字。文字是世俗。寄字詮理。理可是經。文字非經。六塵等皆是經。詮非正經也。此卽三藏中經耳。若無離文字說解脫義。文字性離。卽是解脫。六塵卽實相。無二無別。如上所

說者圓教中經也。帶二方便作此說者般若中經也。帶三方便作此說者方等中經也。帶二方便作此說者般若中經也。帶一方便作此說者華嚴中經也。五明觀心經者類上爲四。一類無翻者。心舍善惡諸心數等。當知此心諸法之都。何可定判。若惡是心。心不舍善及諸心數。若善是心。心不舍惡及諸心數。不知何以目心以略代總故。知略心能舍萬法。况不合五義耶。華嚴云。一微塵中。有大千經卷。卽其義也。心是教本行本理本等例可解。二類有翻明觀者。心卽是由一切語言由覺觀心。一切諸衍

由於思心。一切義理。由於慧心。經云。諸佛解脫當於衆生心行中求。心是經緯。以覺爲經。以觀爲緯。織成言語。又慧行心爲經。行行心爲緯。織成衆行。心豎緣理爲經。心橫緣理爲緯。織成義理。又觀境爲經。觀智爲緯。觀察廻轉。織成一切文章。又心卽是契。觀慧契合。是契緣。契樂欲心爲契教。契便宜對治心爲契行。契第一義心爲契理。心爲法本爲線。可知。心爲善語教者。法之與語俱通善惡。今以善法善語定之心。心之與觀亦通善惡。今以善心善觀定之。卽是善語教善

行善理。心是可軌者。若無觀則無規矩。以觀正心王。心王正故。心數亦正。行理亦爾。心王契理。數亦契理。故名可軌也。心常者。心性常定。猶如虛空。誰能破者。又惡覺不能壞。善覺邪行不干正行。邪理不壞正理。故心名常。隨諸事釋。一一向心爲觀。觀慧彌成。於事無乖。如火益薪。事理無失。卽文字無文字。不捨文字。而別作觀也。三類通有無明觀可解。四類歷法明觀者。若小乘明惡中無善。善中無惡。事理亦然。此則惡心非經。則無多含之義。若大乘觀心者。觀惡心非惡。

心亦卽惡而善。亦卽非惡非善。觀善心非善心。亦卽善而惡。亦非善非惡。觀一心卽三心。以此三心歷一切心。歷一切法。何心何法而不一三。一切法趣此心。一切心趣此法。如此觀心爲一切語本。行本理本。有翻五義。無翻五義。一於心解釋無滯。徧一切心。無不是經。大意可領。不俟多記也。

第二顯體者。前釋名總說文義浩漫。今頓點要理。正顯經體。直辨真性。真性非無二軌。欲令易解。是故直說。後顯宗用。非無初軌。偏舉當名耳。體者一部之指。

歸衆義之都會也。非但會之至難。亦乃說之不易。文云。是法不可示。言辭相寂滅。大經云。不生不生不可說。又云。有因緣故。亦可得說。今略開七條。一正顯經體。二廣簡僞。三一法異名。四入體之門。五徧爲衆經體。六徧爲諸行體。七徧爲一切法體。一正顯體者。何意須用此體。釋論云。諸小乘經若有無常無我涅槃。三印印之。卽是佛說修之得道。無三法印。卽是魔說。大乘經但有一法印。謂諸法實相。名了義經能得大道。若無實相印。是魔所說。故身子云。世尊說實道波

旬無此事。此大小印。印半滿經。外道不能雜。天魔不能破。如世文符。得印可信。當知諸經畢定須得實相之印。乃得名爲了義大乘。今正顯體。卽一實相印也。三軌之中。取真性軌。十法界中。取佛法界。佛界十如中。取如是體。四種十二因緣中。取不可思議不生不滅。十二支中。取苦道卽法身。四四諦中。取無作四諦。於無作中。唯取滅諦。七種二諦中。取五種二諦。五二諦中。唯取真諦。五三諦中。取五中道第一義諦。諸一諦中。取中道一實諦。諸無諦中。取中道無諦。若得此意。

就智妙中簡乃至十妙。一一簡出正體。例可知也。譬
如梁柱。綱紀一屋。非梁非柱。卽屋內之空。柱梁譬因
果。非梁非柱譬實相。實相爲體。非梁柱也。屋若無空。
無所容受。因果無實相。無所成立。釋論云。若以無此
空。一切無所作。又譬如日月綱天。公臣輔王。日月可
二。太虛空天不可二也。臣將可多。王不可多。爲此義
故。須簡出正體。如三軌成乘。不縱不橫。不卽不離。顯
示義。便須簡觀照等。唯指真性。當名正意。分明三軌
既然餘法例爾。故序品云。今佛放光明。助顯實相義。

又云。諸法實相義。已爲汝等說。方便品云。唯佛與佛
乃能究盡諸法實相。偈云。諸佛法久後要當說。真實
又云。我以相嚴身爲說。實相印。法師品云。開方便門
示真實相。安樂行云。觀諸法如實相。壽量云。如來如
實知見。普賢觀云。昔於靈山廣說一實之道。又云。觀
於一實境界。故知諸佛爲一大事因緣。出現於世。祇
令衆生開佛知見。見此一實非因非果之理耳。二廣
簡僞。三一法異名。具在全帙。四明入實相門者。夫實
相幽微。其理淵奧。如登絕壑。必假飛梯。欲契真源。要

因教行。故以教行爲門。下文云。以佛教門出三界苦。佛子行道已來。世得作佛。門名能通此之謂也。畧爲四意。一畧示門相。二示入門觀。三示麤妙。四示開顯。一示門相者。夫佛法不可宣示。赴緣說者。必以四句詮理。能通行人入真實地。大論云。於如是法說第一義悉檀。所謂一切實。一切不實。一切亦實亦不實。一切非實非不實。如是皆名諸法之實相。實相尚非是。一。那得言四。當知四是入實相門耳。又云。四門入清涼池。是門無礙。非唯利者得入。鈍者亦得入。非唯定。

者。散心專志精進者亦得入。又云。般若有四種相。所謂有相。無相。乃至非有非無相。般若尚非一相。云。何四相。當知亦是入般若門也。又云。般若波羅蜜。譬如大火燄。四邊不可取。邪見火燒故。若不觸火。溫身熟食。若觸火者。火則燒身。身既被燒。溫食無用。四門本通般若。除煩惱。辦大事。若取著者。則成邪見燒於法身。法身既燒。四門通何等。若不觸火。門則能通也。若以佛教爲門者。教略爲四。若於一教。以四門詮理。即是四門。四四合十六門。若以行爲門者。稟教修觀。因

思得入。卽以行爲門。藉教發真。則以教爲門。若初聞教。如快馬見鞭影。卽入正路者。不須修觀。若初修觀。如夜見電光。卽得見道者。不更須教。並是往昔善根淳熟。今於教門得通。名爲信行。於觀門得通。名爲法行。若聞不卽悟。應須修觀。於觀悟者。轉成法行。若修觀不悟。更須聽法。聽法得悟。轉名信行。教卽爲觀門。觀卽爲教門。聞教而觀。觀教而聞。教觀相資。則通入成門。教觀合論。則有三十二門。此語其大數耳。細尋於門。實有無量。經云。說種種法門。宣示於佛道。今且

約四教明十六門相。謂藏通別圓。各具有門。空門亦有。亦空門。非有非空門。具如全帙。尋之。二示入門。觀者能通教門。大爲十六。所通之理。但是偏圓兩真。前八門。同入偏真。後八門。同入圓真。但有巧拙偏直之異。就一一門。各具信法二行。信行聞說。卽悟。此心疾利。得道方法。難可示人。且約法行觀門。卽爲十意。一識所觀境。二真正發心。三遵修定慧。四能破法徧。五善知通塞。六善用道品。七善用對治。八善知位次。九善能安忍。十法愛不生。其在全帙。須細尋之。三示塵

妙。四示開顯。俱不暇錄。可以意得。第五實相爲諸經作體者。且此一經體名前後同異。方便品中云。諸佛一大事因緣。開佛知見。無上道實相印等。譬喻品中。以大車譬一大乘。信解中。名付家業。藥草中。名一切智地最實事。化城中。名寶所。授記中。名繫珠。法師中。名秘密藏。寶塔中。名平等大慧。壽量中。名非如非異。神力中。名秘要之藏。妙音中。名普現色身。五昧觀音中。名普門。勸發中。名植衆德本。如是等異名不同。其義亦異。理極真實。以實爲相。故名實相。靈知寂照。名

佛知見。三世諸佛。唯用此自行化他。故言大事因緣。虛通名道。正定諸法。名實相印。運載名乘。成辦佛事。名家業。一切所依名智地。諸法之元。故名寶所。圓妙難思。故言寶珠。無所積聚。而含衆法。名秘藏秘要。通達無礙。名平等大慧。遮於二邊。名非如非異。妙色自在。故言普現三昧。入實之由。故名普門。諸法由生。故言德本。如是名義差別。體卽實相。次明諸經異名。或真善妙色。或畢竟空。或如來藏。或中道等。不可具載。皆是實相別稱。悉是正印。各稱第一。又衆經半滿大

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

小之殊體。布傍正。正卽實相。傍卽偏真。偏真或時舍實相。實相或時帶偏真。而通稱實相。故中論云。實相三人共得。其得者卽偏真也。大經云。聲聞之人。但見於空。空卽傍也。智者見空及與不空。不空卽正也。此經云。我等昔日同入法性。法性卽傍也。今日安住實智中。實智中卽正也。小乘三法印。傍也。通教帶傍明正。別圓但明於正。不復論傍。若約五味。乳惟論正。酪惟論傍。二酥傍正相兼帶。醍醐惟正。又正實相多諸名字。約名字中。復論傍正。勝鬘以自性清淨爲正。餘

名爲傍。華嚴以法身爲正。般若以一切種智爲正。涅槃以佛性爲正。此經以實相一乘爲正。餘名爲傍。此則非傍非正論。傍正悉是經體。麤妙開顯可知。

第六諸行體第七偏爲一切法體。具如全帙。

第三明宗。宗者修行之喉衿。顯體之要蹊。如梁柱持屋。結綱提綱。維提維則目動。梁安則桷存。釋宗爲五一簡宗體。二正明宗。三衆經同異。四明麤妙。五結因果。簡宗體者。有言宗。卽是體。體卽是宗。今所不用。何者。宗致既是因果。因果卽二體。非因非果體。卽不二。

體若是二體卽非體。宗若不二。宗卽非宗。如梁柱是屋之綱維。屋空是梁柱所取。不應以梁柱是屋空。屋空是梁柱。宗體若一。其過如是。又宗體異者。則二法孤調。宗非顯體之宗。則邪倒無印。體非宗家之體。則體狹不周。離法性外別有因果。宗體若異其過如是。今言不異而異約。非因非果而論因果。故有宗體之別耳。昔賢觀云。大乘因者。諸法實相。大乘果者。亦諸法實相。卽其義也。當知實相體通。而非因果行始辨。因行終論果。譬如銅體。非始非終。擬鑄爲像。卽名像。

始治瑩悉畢。卽名像終。若識此喻。不卽不離。宗義明矣。二正明宗者。此經始從序品訖。安樂行品破廢。方便開顯。真實佛之知見。亦明弟子實因實果。亦明師門權因權果。文義雖廣。撮其樞要爲成。弟子實因。因正果傍。故於前段明迹。因迹果也。從涌出品訖。勸發品發迹顯本。廢方便之近壽。明長遠之實果。亦明弟子實因實果。亦明師門權因權果。而顯師之實果。果正因傍。故於後段明本因本果。合前因果共爲經宗。意在於此。所以經分二文。論本論迹。雙題法譬。舉蓮

舉華師弟權實總在其間也。三衆經因果同異者。今經迹中師弟因果與衆經有同有異。本中師弟因果。衆經所無。正以此之因果爲經妙宗也。四麤妙開顯如全帙五結成者。夫經說因果正爲通益生法行人。若開權顯實正令七種方便生身未入者入傍令生法二身已入者進。若說壽量長遠傍令生身未入者入。正令生法已入者進。神力品云。如來所有一切甚深之事者。非因非果是甚深之理。因果是甚深之事。從七種方便初得人圓登銅輪位名之爲因乃至餘。

有一生在。若轉一生。卽得妙覺名之爲果。從二住至等覺中間名爲亦因亦因。因亦果亦果。用無礙道伏一分無明。名之爲因。用解脫道斷一分無明。名之爲果。約此解脫復修無礙故云因因。從此無礙復得解脫故言果果。初住見真以真爲因。住前相似非是真因。若取性德爲初因者。彈指散華是緣因種。隨聞一句是了因種。凡有心者是正因種。此乃遠論性德三因種子。非是真實開發故不取爲因也。

第四明用者。用是如來之妙能。此經之勝用。如來以

權實二智爲妙能。此經以斷疑生信爲勝用。祇二智能斷疑生信。生信斷疑由於二智。約人約法。左右互論耳。前明宗就宗體分別。使宗體不濫。今論用就宗用分別。使宗用不濫。何者。宗亦有用。用亦有宗。宗用非用用。用用非宗用。用宗非宗宗。宗宗非用宗。宗用者。因果是宗。因果各有斷伏爲用。用有宗者。慈悲爲用。宗斷疑生信爲用。若論於宗。且置斷伏。但論因果。今明於用。但論斷疑生信。且置慈悲。若得此意。則知權實二智能斷疑生信。是今經之大用矣。諸經不

純明佛智慧。不發佛自應迹。不正破二乘果。不斷生身菩薩之遠疑。起其遠信。不顯本地增法身菩薩大念佛之道。損界外之生。如此力用。衆經所無。今經具之。所以命章不論二乘菩薩等智。純顯佛之微妙智慧。不開九法界知見。純開衆生佛之知見。餘經但道佛所變化是迹。不道佛身自是迹。今經自道佛身是迹。其餘變化寧得非迹。今經正破廢化城二乘之果。況其因行耶。又破稟方便教菩薩執迹爲極。今皆發廢悉稱是權。迹及中間諸疑悉斷。起於深遠不思議。

信。又顯本地真實功德。令法身菩薩得大利益。始自初阿。終鄰後茶。抹十方那由他土爲塵。數增道菩薩不能令盡。蓋由如來兩權實二智一味之兩普等四方俱下者。一切諸四門俱破也。充足求於具足道者。斷其滙疑。起其大信。令入一圓因。控摩訶衍車。遊於四方。直至道場。大用大力。妙能妙益。猶自未盡。蓋藏通以二智斷。四住之疑。生偏真之信。淨名雖彈斥。二乘及偏行菩薩亦是界內斷疑。生信不能令小乘及方便菩薩斷大疑。生大信。大品通意亦是界內疑斷。

信生別意。雖在界外。亦未斷近疑。生遠信。華嚴正意。斷界外疑。生於圓信。亦未斷近生遠。故權實名雖復通用。而力大異。今經用佛菩提二智斷七種方便。最大無明。同入圓因。破執近迹之情。生本地滙信。乃至等覺。亦令斷疑。生信如是勝用。豈同衆經耶。

第五釋教相者。佛於無名相中。假名相說。說餘經典。各赴緣取益。如華嚴。初逗圓別之機。高山先照。直明次第。不次第修行。住上地上之功德。不辨如來說頓之意。若四阿含通說無常。知苦斷集。證滅修道。不明。

如來曲巧施小之意。若諸方等折小彈偏褒圓歎大慈悲行願。事理殊絕。不明並對訶讚之意。若般若。共則三人同入。別則菩薩獨進。廣歷陰入。盡淨虛融。亦不明共別之意。若涅槃在後。略斥三修。粗點五味。亦不委說。如來置教原始要結之終。凡此諸經皆是逗會他意。令他得益。不譚佛意。意趣何之。今經不爾。詰是法門綱目大小觀法。十力無畏種種規矩皆所不論。爲前經已說故。但論如來布施之元始。中間取與漸頓適時。大事因緣。究竟終訖。當知此經唯論設教。

大綱不委微細綱目。譬如算者初下後除。紀定大數。不存斗斛。祇爲演論佛教。妙說聖心。近會圓因遠申本果。所以疑請不已。若能精知教相。則識如來權實二智也。教相者。大綱三種。一頓。二漸。三不定。釋此三教各作二解。一約教門。二約觀門。教門爲信行人。又成聞義。觀門爲法行人。又成慧義。聞慧具足。如人有目。日光明照見種種色。先約教者。若華嚴七處八會之說。譬如日出。先照高山。淨名中唯喚蘭葛。大品中說不共般若。法華云。但說無上道。又始見我身聞我。

所說卽皆信受入如來慧。若遇衆生盡教佛道。涅槃云。雪山有草。名爲忍辱。牛若食者。卽得醍醐。又云。我初成佛。恒沙菩薩來問是義。如汝無異。諸大乘經。如此意義類例。皆名頓教相也。非頓教部也。二漸教相者。如涅槃云。從佛出十二部經。從十二部出修多羅。從修多羅出方等。從方等出般若。從般若出涅槃。如此等意。卽漸教相也。又始自人天二乘菩薩佛道。亦是漸也。又中間次第入。亦是漸也。三不定教者。此無別法。但約頓漸其義自明。大經云。置毒乳中。乳卽殺。

人。酪酥醍醐。亦能殺人。此謂過去佛所常聞。大乘實相之教。譬之以毒。今值釋迦聲教。其毒卽發。結惑人死。如提謂波利。但聞五戒。不起法忍。三百人得信忍。四天王得柔順忍。皆服長樂之藥。佩長生之符。住於戒中。見諸佛母。卽乳中殺人也。酪中殺人者。如智度論云。教有二種。一顯露教。二秘密教。顯露者。初轉法輪。五比丘及八萬諸天。得法眼淨。若秘密教。無量菩薩。得無生法忍。此是毒至於酪而殺人也。生酥中殺人者。有諸菩薩。於方等大乘教。得見佛性。住大涅槃。

卽其義也。熟酥殺人者。有諸菩薩於摩訶般若教得見佛性。卽其義也。醍醐殺人者。如涅槃教中鈍根聲聞開發慧眼。得見佛性。乃至鈍根緣覺菩薩七種方便皆入究竟涅槃。卽其義也。是名不定教。相非不定部。二約觀門者。一圓頓觀。從初發心。卽觀實相修四種二昧。行八正道。卽於道場開佛知見。得無生忍。如牛食忍。草卽得醍醐。其意具在止觀。二漸次觀。從初發心爲圓極。故修阿那波那十二門禪。如雜血乳次修六妙門。十六特勝觀練熏修等。乃至道品四諦觀。

等。如清淨乳。十二緣觀。如酪。四弘誓願。六波羅蜜。如生酥。別菩薩行。如熟酥。次修自性禪。入一切禪。乃至清淨淨禪。此諸法門能見佛性。住大涅槃。真應具足。名醍醐行。三不定觀者。從過去佛演種善根。今修證十二門。豁然開悟。得無生忍。卽是毒在乳中殺人。乃至坐禪修自性等禪。正觀學無作四聖諦。行法華般舟等四種三昧。豁然心悟。得無生忍。卽是醍醐行中殺人也。如此五味不離半滿。半滿不離五味。五味半滿相成。若華嚴頓滿。大乘家業。但明一實。不須方便。

唯滿不半。於漸成乳。三藏客作。但是方便。唯半不滿。於漸成酪。方等彈訶。則半滿相對。以滿斥半。於漸成生酥。大品領教。帶半論滿。半則通爲三乘滿。則獨爲菩薩。於漸成熟酥。法華付財。廢半明滿。若無半字。方便調熟鈍根。則亦無滿字。開佛知見。於漸成醍醐。如來殷勤稱歎。方便者。半有成滿之功意在此也。但半滿五味。旣通約諸經。諸經不同。今當辨其開合。若華嚴正隔小明大。於彼初分。永無聲聞。後分則有。雖復在座。如聾如瘡。非其境界。爾時尚未有半。何所論合。

次開三乘引接小機。令斷見思。則以小隔大。旣不論滿。何所可合。若方等教。或半滿雙明。或半滿相對。或以滿彈半。稟半聞滿。雖知恥小。猶未入大。故云止宿草菴。下劣之心。猶未能改。則半滿不合。般若以滿洗練於半。命領家業。明半方便。通入無生。半字法門。皆是摩訶衍。是合其法。而不希取一餐之物。即是未合其人。是故半滿不合。若至法華。覺悟化城。云非真實。汝等所行。是菩薩道。卽是合法。汝實我子。卽是合人。人法俱合。自鹿苑開權。歷經諸教。來至法華。始得合。

實然聲聞有二種。一秘密合。二顯露合。秘密合者。初爲提謂說五戒法。已有密悟無生忍者。况修多羅方言等般若。豈無密悟。此則不論。若就顯露。未入位聲聞亦隨處得合。例如般若三百比丘得記者是也。若住果聲聞決至法華教信令合。若住果不合是增上慢。未入位五千簡衆起去。到涅槃中。方復得合。總就諸教通作四句。華嚴三藏。非合非不合。方等般若。一向不合法華。一向合涅槃。亦合亦不合。何者。涅槃爲末代更開諸權。引後代鈍根。故言亦不合也。夫五味半

滿論別。別有齊限。論通於初後。若華嚴頓乳別。但在初通。則至後。故無量義云。次說般若。歷劫修行華嚴海空。法華會入佛慧。卽是通至二經。又像法決疑經云。今日坐中無央數衆。各見不同。或見如來入涅槃。或見如來住世一劫。若減一劫。若無量劫。或見如來丈六之身。或見小身。或見大身。或見報身。蓮華藏世界海爲千百億釋迦牟尼佛。說心地法門。或見法身。同於虛空無有分別。無相無礙。徧同法界。或見此處山林地土沙。或見七寶。或見此處乃是三世諸佛。

所行之處或見此處卽是不可思議諸佛境界真實之法。夫日初出先照高山。日若垂沒亦應餘暉峻嶺。故蓮華藏海通至涅槃之後。况前教耶。若修多羅半酩之敎別論在第二時。通論亦至於後釋論云。從初鹿苑至涅槃夜。所說戒定慧結爲修祐路等藏。當知

三藏通至後方等半滿相對生酥敎別論是第三時。通論亦至於後陀羅尼云。先於王舍城授諸聲聞記。今復於舍衛國祇陀林中復授聲聞記。故知方等至法華後般若帶半論滿熟酥敎別論在第四時。

地論亦至初後何者。從得道夜至泥洹夜。常說般若涅槃醍醐滿教別論在第五時。通論亦至於初釋論云。從初發心常觀涅槃行道。前來諸教豈無發心菩薩觀涅槃耶。大經云。我坐道場菩提樹下。初成正覺。爾時無量阿僧祇恒沙世界菩薩亦曾問我是甚深義。然其所問句義亦皆如是等無有異。如是問者則能利益無量衆生。此則通至於前。若法華顯露邊佛聞如是法。見諸菩薩授記作佛。豈非證昔通記之

記者私錄云人言第二時十二年中說三乘別教若爾過十二年有宜聞四諦十二因緣六度豈可不說若說則三乘別教不止在十二年中若不說則一段在後宜聞者佛豈可不化也定無此理經言爲聲聞說四諦乃至說六度不止十二年蓋一代中隨宜聞者卽說耳如四阿含經五部律是爲聲聞說乃訖於聖滅卽是其事何得言小乘悉十二年中也人言第三時三十年中說空宗般若維摩思益依何經文知

三十年也言四十年後說法華一乘法華經中彌勒言佛成道來始過四十餘年然不可言法華定在大品經後何故大智論云須菩提於法華中聞說舉手低頭皆得作佛是以今問退義若爾大品與法華前後何定也然大品法華及涅槃三教淺深難可輒言何者涅槃佛性亦名般若亦名一乘一乘是法華之宗般若是大品所說卽是明性復有何未了乎大品中說第一義空與涅槃經明空無異皆云色空乃至大涅槃亦空又大品說涅槃非化維摩說佛身離五

非常與涅槃明常說涅槃不空有何異而自生分別言維摩偏諸明常大品一向說空也。又若從法華後入涅槃者法華經中已明王宮非始久來成道何由涅槃中方引道樹始成執實爲疑故知爲一段衆生最後聞常者涅槃經聞法華者不假聞涅槃也復應當知諸大乘經指歸不殊但隨宜爲異如華嚴無量義法華皆三昧名般若是大智慧維摩說不思議解脫是解脫大涅槃是究竟滅文殊問菩提是滿足道悉是佛法法無優劣於中明果皆是佛果明因皆是

地行明理皆是法性所爲皆是菩薩旨歸不當有異人何爲強作優劣然依經按論略唯二種謂聲聞藏及菩薩藏也教必對人人別各二聲聞藏中有決定聲聞及退菩提心聲聞菩薩藏中有頓悟大士有漸入菩薩決定聲聞一向住小退心聲聞後能趣大雖有去有住而受小時一故對此二人所說爲聲聞藏菩薩雖有頓漸不同然受大處一故對此二人所說爲菩薩藏也然此二藏隨所爲隨所說聲聞藏中有菩薩爲影響然非所爲不可從菩薩名作大乘經善

薩藏中亦有聲聞人非正所爲宗不說聲聞法故不可名爲小乘法擬人定法各自不同是以要而攝之畧唯二也今開分之判爲四教聲聞藏卽三藏教菩薩藏卽通別圓教爲決定聲聞說三藏教卽三藏教菩薩說通教爲漸悟菩薩說別教爲頓悟菩薩說圓教非唯名數易融而義意玄合今古符契一無二焉唯文畧而義廣教一而蔽諸若申隱以使顯須多作論義如捕獵川澤饒結筌罝豈魚獵者好博耶不得已而博耳

妙法蓮華經玄義節要卷下

妙玄節要跋

一字法門海墨書而不盡九句譚妙奚足云多且九句之中縱四辯以宣揚文義何限章安所記亦自畧矣豈容更刪節耶特以末世鈍根畏繁樂簡望妙玄而如海甘蛙守而不前致使無上醍醐畢世罔沾一滴良可痛也竊聞大智度論千卷羅什十倍略之而摩訶止觀全書荆溪亦復錄其大意因倣厥旨輯爲節要二卷庶幾易於染指漸充法

60 1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

味然後徧討玄文深證法華三昧則斯舉也未必
非循循善誘之一術也若乃守節要爲已足而終
置玄文於不探則予固智者章安之罪人而彼又
予之罪人矣庚辰仲夏二十有六日智旭謹識

慶助	刻芳名	修如	寂惺	了喻	照南	法明
音容	崇存	海塗	緒旺	照瑞	通瑞	
寂元	如楫	常融	照本	照廣	性達	
如賢	寬能	照賢	慧生	林鈺	海柏	
海晏	性桂	寂預	通印	明善	周頓	
普潤	元如	誠蘊	惟福	誠本	惟	
常樂	演義	福具	定文	慧淡	達成	
修戒	得寬	約龍	通玄			
劉道激	何熲	馬自貞	陳淨柱	周淨灝		

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

ナ

ナ